

AZ.

III

I

111

BIBLIOTECA NAZ.
Vittorio Emanuele III


XXIII


B

1

NAPOLI







DE
IDOLOLATRIA
POLITICA,
ET LEGITIMO
PRINCIPIS
CVLTV
COMMENTARIVS.

AVCTORE
IO ANNE FILESACO
Theologo Parisiensi.



PARISIIS.
Apud BARTHOLOMÆVM MACÆVM,
sub Scuto Britanniaë.

M. DC. XV.
Cum Privilegio Regis.





REVERENDISSIMO D.

D. BERTRANDO

D'ECHAUS, EPISCOPO

RAIONENSI, COMITI CON-

sistoriano, & Regis Chri-

stianissimi Eleemofy-

nario primo.

IOANNES FILESACVS

T. P. D. D.



COMMENTARIUM hunc
tibi (REVERENDIS-
SIME D.) iure optimo
debitum. nemo, eorū,
qui apud nos in com-
muni hominum luce
versantur, dubitare potest. Quis enim
nostrum tam passim, tam crebrò, non
videt te Regi nostro Christianissimo

à ij

LVDOVICO XIII. ad omnem pietatis & auitæ Religionis sensum , præfullem & auctorem esse præcipuum. Principem Diuini Numinis metuentem , & tantisper deposito cothurno, ad staturâ suam redeuntem , seipsum denique hominem cogitantem propono. Securum ad omnia, quæ vndique impendent, pericula munimentum. Ego Regi meo, patriæ amantissimæ, mihi ipsi denique, homini Theologo, penitus deesse videbar, nisi de Principis salute, de hac vita tuenda & fœliciter agenda, denique in meliorem & fœlicio rem commutanda, aliquid, pro industria nostra , quam per exiguam esse sentio, meditarer. Si Theologi hac in re partes vtrumque impleuerim, tuum esto Iudicium. Scio non defuturos qui, aut nihil tentandum, aut nihil prætermittendum fuisse dictitabunt; Seponamus tantisper vtrinque affectus, ego, ni me animus fallit, æquissimos feram Iudices; Quæ erat instituti mei ratio , ea me à Scopo aberrare non fuit, Superstitiosis, morosis, truculentis

hæc minimè scripta sunt. Satis meo muneri facere decreui, quod si nonnullorū arbitrio id non sum affecutus saltem non infœliciter, Deo volente, succedet votum, de tutando Principe, meum, & quocumque res vertat, numquam certe committam vt cultu & affectu in Principem, me, rectum iter pergentem, quisquam mei ordinis superet. Etiam dissertationem hanc sibi meritò vendicabat Comes & benignitas illa, qua tu me complecti soles. quam mihi perpetuam, vt te saluum beatumque, æternū exopto.

INDEX CAPITVM.

Prefatio.

Cap. I. Idololatria Politica ab abusu potestatis.

II. Idololatria Politica ab adulatione.

III. Idololatria Politica, à corruptela faculi, à gentis vitio.

IV. Moderatio Principis, à pietate & metu Diuini Numinis.

V. Moderatio Principis, à cognitione sui & conditione potestatis.

VI. Moderatio Principis, à studio fame.

VII. Moderatio Principis à periculis.

VIII. Princeps an reprehendendus, & quomodo.

IX. Quis amor, quis cultus in Principem.

X. Populus obsequens.

NOs subſignati Doctores Theologi perle-
gimus Traſtatum hunc de legitimo Prin-
cipis cultu , authoris Sap. M. N. IOANNIS
FILESACI Eccleſiaſtis Pariſienſis : in quo
legitima quæque, & exculta, ſuoq. authore di-
gniſſima recensuimus. Idololatriæ Politicæ
Κεραυνοβόλος λόγος. Quapropter ad totius Rei-
pub. Chriſtianæ ditioſiorem prouentum , & αὐτῶν
δυσυχίας typis excudi poteſt & debet. E. Muſæis
noſtris apud Lut. Pariſ. pridie Calend. Ianuar.
c1010cxv.

G.Froger.

A.Lambert.

SVMMA PRIVILEGII.

Regio privilegio cautum est, ne quis præter Bartholomæum Macæum Bibliopolam Parisiensem, hunc Commentarium IOANNIS FILESACI Theologi Parisiensis De Idololatria Politica, excudat, aut excudicuret, intra sexennium, sub pœna in Regio diplomate contenta, dato Parisiis. Anno 1614.

Signatum,

LE LIEVRE.



DE
IDOLOLATRIA
POLITICA,
ET LEGITIMO
PRINCIPIS
CVLTV.

COMMENTARIVS
IOANNIS FILESACI
Theologi Parisiensis.

PRÆFATIO.



ALVS PRINCIPIS,
SALVS PVBLICA. Liceat
istud præfari auspicio San-
ctissimi Ambrosij epistola
26. ad Gratianum Augu-
stum, cùm scribit se affe-
ctu, cura, censu ac denique
orationum excubijs, pro ipso sollicitum fuisse.
Et hæc quidem, inquit, cùm pro tua salute defereba-

A

mus pro nobis faciebamus. Sic apud Curtium lib. 6. cum Alexander in expugnatione oppidi alicuius apud Indos in maximum vitæ discrimen se dedisset, ac tandem fœlici temeritate, quam illi adsignat Seneca, euasisset, Macedonum primi & illi familiares, confusis vocibus flentes eum orabant, vt tandem ex satietate laudi modum faceret, *ac saluti suæ, idest publicæ, parceret.* Sed hæc pluribus postea expendemus. Barbaro isto & planè Gothico sæculo, iam non infirmæ fortis, nō mediocris fortunæ homines, non ditiores petuntur, sed Principes ipsi, sed publici parentes, quos dum mortalium facerrimi è medio tollunt, communem publicæ rei salutem immanissimè eripiūt. Quam lubens istam tam luctuosam, tamque acerbam parricidij recordationem omissem; ac noueram illud Cæcinnæ Seueri apud Tacitum, Annali tertio, prudentiæ plenum, *domestica mala tristitia operienda*; Verum dum istam Regni molem titubantem, dum nauem magna iactatione concussam vidimus, an non de tibicine sublato, vt & de rectore, incredibili scelere, erepto nos cogitare necessum est. Quis igitur verè Gallus & patriæ suæ amans, non libenter illud B. Ambrosij in oratione funebri Valentinian. A. de HENRICO QVARTO verè MAGNO vsurpet. *Quotidie mihi maior ad dolorem es, crescis ad gemitum.* Non sunt hæc doloris imitamenta; Dixit argutè & verè Tacitus, Annali secundo.

*Periſſe Germanicum nulli iactantius mœrent quàm-²
 qui maxime letantur. De nobis, de Gallia vniuer-
 ſa, de toto orbe Chriſtiano optimè meritis,
 HENRICVS M. ſtipendiaras, & iure ſibi de-
 bitas iſtas à ſuis repoſcit lachrymas: quando-
 quidem vt cum Patribus Concilij Toletani
 ſexti loquar, dum ſui Regis Cinthilani laudes
 prædicant c. 15. Ipſe, auctore Deo, nobis pacem, ipſe
 quaſi captiuam reduxit charitatem, ipſius ope quieti,
 ipſius ſumus largitione ditati, ipſe medicamine bonita-
 tis ſuæ & reis pepercit & rectos ſublimauit, cui ſidi-
 gnis voluerimus reſpondere beneficijs, non tantis exta-
 mus copijs virtutis, quanto voto ſufficimus volunta-
 ris. Exaudiant hæc pij Manes Henrici Magni.
 Plura ſubiungere non licet, non tantùm quia
 nihil difficilius ſit quàm magno dolori paria verba re-
 perire, aiebat Seneca de conſolatione ad Poly-
 bium c. 22. Verum etiam quod ſi prolixior fue-²
 ro hoc magis in conſolando afficiam eum quem conſo-
 lari velim, & diutius mœrorem ei ſtenebo, vt loqui-
 tur B. Ambroſius oratione citata. Quam mul-
 ti his annis ſuperioribus pro tuenda Regum ac
 Principum vita & ſalute ſcriptis ſuis ſeſe ad-
 uigilaſſe videri voluerunt: Verùm dum illo-
 rum ſalutem omnibus aggeribus & munitiſſi-
 mis propugnaculis circumuallare moliuntur,
 non aduertunt ſe in arenosis locis infanas ſub-
 ſtructiones conſtruere; Nullum vel durius, vel
 magis ſolidum ſaxum Reges Principes ſue ſe-
 cure ac certò munire aut tutari poteſt vndi-*

que,quàm INNOCENTIA, quæ nullo arietate, siue alia quauis machina perfringi, nullis cuniculis perfodi queat. Plinio in Panegyrico ad Traianum id visum. *Fidissima custodia Principis est ipsius Innocentia.* Externa illa discrimina explicasse videntur, qui de rebus huiuscemodi hætenus differuerunt, interna & quæ proximè Reges ac Principes attingunt, nescio quomodo prætermiserunt. Illud nobis excutiendum propositum est; nullam rem pestilentiore aut perniciosiore Principibus existere, quàm si seu priuato ingenio, seu alterius impulsu, deerciscunda Diuinitate cum Deo præpotente agant. Ista nobis explicanda Idololatria Politica, qua non solùm Principibus, Diuini cuiusdam Numinis signa & notæ tribuuntur, verumetiam tantùm non in cælo viuentes collocantur, & apothecosi miranda donantur. Meditatum huncce Commentarium paulò post HENRICI MAGNI mortem & nefandum parricidium, affectum & vix absolutum è manibus excusserunt tot libri postremis hisce annis de Regio iure conscripti, quibus dum suo quisque genio indulget, quam multa sunt non è cælo, sed ex orco, ex arena & spoliario, ex mendaciorum & calumniarum colluue, petita, leguntur. Lupum aiunt non tantùm vnguibz & dente, verumetiam halitu ipso nocere, sic horum scriptorum aliqui ficas aut venena parant Regibus necandis, nonnulli palpo &

proiecta assentatione, velut præsentissimo veneno, Principis animum mentemque inficiunt. Themistius orat. 4. ad Valentianum Imp. scribit ex Assyriorum libris mentem Regis dextra Dei, quasi satellitio, circumuallatam esse: ex Hebræis depromptum. Prouerbiorum c. 12. *Cor Regis in manu Dei est.* At si modo in cælum oculos attollat: Principi ad immortalitatem vitamque beatam iter istud præstruendum, quibus rebus id effici possit videamus.

CAPVT PRIMVM.

Idololatria Politica, ab abusu potestatis.

PRINCIPI à seipso certissima perniciēs imminet. ABVSVS POTESTATIS. Hæc infauſta proles ex Copia & potestate principali procreata est. Cùm enim Principes seu Regnũ, seu per multas & varias prouincias rerũ omnium, quæ ad vitã hominũ tuendã & iuuandã cõducunt, copia & vbertate florentes nanciscuntur; iis facilis ad luxum voluptatẽque abutuntur; hinc cum rebus eiusmodi nimium quantum abundant, nec vnquã defuturas credant, exinde pro sua auctoritate quiduis sibi licere certo statuunt; Malum istud in priuato Principis ingenio enatum, sed delitescens, continuò ab Adulatione proximorum eductũ educatũ.

que: sic derepente adolescit, ut non rarò subditos, ac nonnumquàm Principem ipsum perfundet. Hæc videtur indicasse Vopiscus in Aureliano, dum ait : *Et queritur quidem quæ res malos Principes faciat. Iam primum nimia licentia; Deinde rerum Copia, Amici præterea improbi, Satellites detestandi, Eunuchi auarissimi, Aulici, vel Stulti, vel detestabiles, & (quod negari non potest) rerum publicarum ignorantia.* Non placet ordo ille & dispositio Vopisci, faciliior & apertior, ni me fallit animus, via & ratio à nobis proposita. Nemini enim dubium esse potest Principem suam non aliunde potestatem metiri solere, quàm sui status opibus & rerum copia, necnon subditorum obsequio, quæ omnia si ad votum habeat, quam arduum & difficile ut illa summa potestas æquissimis iustitiæ repagulis coerceri possit. Leui momento & adhibito Græculo flatu (sic adulationem vocat Augustinus Epistola 56.) in abusum potestatis degenerat. Antoninus apud Herodianum lib. 1. perdifficile existere ait, cum quis potentiam obsecundantem habet, moderari sibi, & veluti frænos suis imponere cupiditatibus. De ipsa Potestate dicamus, non enim de Copia controuersia est. Quid de illa potestate alij sentiant ac Principi suggerât, explicabimus postea, cum de Principis ingenio ab aliis deprauato differemus. Principem supra cæteros mortales non tantum sese efferentem, sed Deum iactantem se-

ſpectemus, quod primum & præcipuum eſt Idololatriæ politicæ caput. Daniel c. 3. Nabuchodonosor Rex Babyloniorum Coloſſum ingentem inſtruit, quem non alium extitiſſe quàm eiufdem imaginem & ſtatuum mihi facile perſuadeo, cui ſacrificare ac diuinos honores tribuere, ſuos omnes ſubditos iuſſit, nam id ſibi viuo videntique arrogare, qui reliquus erat in eo pudor non ſinebat. Malebat itaque ſe pro Deo in ſtatua huiusmodi coli & adorari. Tacitè id Scriptura inſinuare videtur, cùm tanto ille furore exarſiſſe dicitur, vbi renunciatum eſt Hebræos tres, Sidrach, Miſach & Abdenago, Idololatricum & profanum iſtius ſimulachri cultum conſtanter & generoſè auerſari, ac tum demum lata in eos capitali ſententia, in has voces blaſphemias & impias prorupiſſe. *Quis eſt Deus qui eripiet vos de manu mea?* Apertè id exponit Seuerus Sulpitius lib. 2. Hiſtoriæ ſacræ, Nabuchodonosor elatus rebus ſecundis, ſtatuum ſibi auream immenſæ magnitudinis poſuit, adorarique eam vt ſacram effigiem præcepit. Nec alia certè ratione dementatus videtur Nabuchodonosor, vt etiã explicat Iſidorus Peluſiota, li. 2. Epiſtola 177. ad Theodotum Preſbyterum. Propter ingentem potentiam, & quia inuiſto robore pollere regnum ſuum exiſtimabat Rex ille barbarus in ſuperbiam atque inſolentiam prolapſus eſt, adeo vt ſe humanos terminos exceſſiſſe & di-

uinitatis fastigium attigisse putaret. Sed obiter emergentem ex ista narratione scrupulum quidni eximam. Vni Danieli horum trium Iudæorum contribuli, socio atque adeo pietatis magistro cur pepercit Rex Assyrius, nec enim Danielis alia mens, alia & discrepans sententia & vno nomine religio ab iis tribus. Soluit nodum Isidorus idem lib. 1. Epistola 19. Diuino consilio & providentia istud contigit, ne impij & Idololatræ qui aderant, *tetros vndantis incendiij globos* (vt loquitur Zeno Veronensis Sermone 1. de Daniele & tribus pueris) penitus oppressos, contra vero *irroratum caminum, & blandientes flammæ, roscidos pueros lambere visas*, (quæ verba sunt Zenonis) Dei ipsius summi quem indicarat ipse Daniel, nomini adscriberent. Hæc enim apud Babylonios vigeat opinio, nempè Danielis Deum, si duntaxat eius nomen pronunciaretur, res admirandas perpetrare; Daniele facillimè id præstare posse apud omnes in confesso erat, quem res planè obscuras & arcanas Regi ipsi aperientem audierant. At quis tandem fuerit e mentitus ille Deus Nabuchodonosor, Sulpitio Seuero suo indicat S. Paulinus Epistola 4. siquidem *Regi Assyrio in solitudinem feritatemque damnato, luctuosa concretio Capitis intonsi, in iubam leonis horruit, vt etiam corporis specie transiret in belluam, qui non solum à Regnis suis sed etiam à sensibus exsularer humanis, coma tristi, leonem; vncis vnguibus, vultu-*

rem; sensu & pabulo, bouem referens, ne vnius tantum
belluæ similitudinem ferret in pœnis, qui multarum si-
milis fuisset in moribus. Intellecto tamen tandem
Deo & sensu reformatur & Regno. Romanos
Imperatores Ethnicos nonnullos, Dei nomen
& existimationem apud suos ambitiosè con-
fectatos fuisse, vulgare est. Dicam alio loco
quid illis fœda quadam adulatione tributum à
suis, quamquam ipsi illud aut neglexerint, aut
non postularint. Sed Imperatores Christianos
vel Diuinitatis, vel Numinis appellationem si-
bi adrogasse quis ferat? *Nostram Diuinitatem*
dixere Imperatores Theodosius & Valenti-
nianus l. 3. Cod. de Summ. Trinit. Eadem
lege, *Nostrum diuinum præceptum*. Et apertè. *No-*
strum Numen, seipso inuendo, vsurpant Im-
peratores Honorius & Theodosius l. 8. & l. 11.
Cod. de sacrosanctis Eccles. Theodosius Imp.
Suum Numen vocat, Cod. Theod. l. 11. tit. 1. l. 33.
Idem habetur l. 8. Cod. de legib. & Constit.
Cæleste oraculum nominant Imperat. Iussionem
suam, l. 10. Cod. de Sacrosanct. Eccles. vt &
Sacrum oraculum, l. 5. Cod. si contra ius, vel vti-
lit. public. Nec alio sensu *Diuinum Verbum suum*,
appellant l. 2. Cod. de mandat. Princip. Amu-
linus Proconsul Africæ, Epistola ad Constan-
tinum Magnum, *Scripta Cælestia Maiestatis ve-*
stræ accepta atque adorata dixit apud B. Augusti-
num Epist. 68. vt *adorandum rescriptum* Impe-
ratoris, Curopalates lib. 2. Iuris, Græco. Ro-

mani, in Nouella Alexij Comneni. Quis non meram Idololatriam expressam aduertat l. 5. Cod. de diuers. rescript. quæ est Imperatorum Valentiniani, Theodosij & Arcadij, alioquin piorum Principum, *Sacrilegij instar est, super quibuscumque administrationibus, vel dignitatibus promulgandis, diuinis obuiare beneficiis.* Quid l. 10. Cod. de legib. & Constitut. iis verbis: *Omnes legibus regantur, etiamsi ad Diuinam domum pertineant.* Innuunt autem Imperatoriam familiam. Eodem pacto Nouellæ Theodos. tit. 21. Inscriptio. Quin & in subscribendis rescriptis, vel mandatis adhibeant formulam *Manu Diuina.* Nouell. Theodosij tit. 25. Idem Nouella Maioriani. Et miramur dum hæc legimus in Nouella Anthemij A. tit. 1. *Iulia quedam preces nostris fundit altaribus.* Sunt alia id genus quam plurima in iure quæ præstat omittere, & vnico absoluiam Iuliani Antecessoris Constantino-politani loco, in fine Nouellarum, quas Latinas fecit, Constitutione 128. In eadem Constitutione, *finiuntur Nouellæ Constitutiones quæ post Codicem Diuini Numinis Iustiniani promulgatæ sunt.* Quin & Statuis ac Imaginibus Imperatorum diuinos honores adtributos, res est satis nota; vno vel altero scriptorum historiæ testimonio contentus. Spartiano in Caracalla: Dammati sunt eo tempore qui vrinam in eo loco fecerunt vbi Statuæ aut Imagines erant Principis. Dio libro vltimo historiæ narrat

Claudium Imperatorem, cum spectaculis meridianis innumeros seruos, herorum suorum, sub Tiberio & Caligula, delatores, gladiatorio certamine sese mutuò conficere iussisset, & quidem eo loco vbi Augusti statua erat, illam aut transferri, aut velari mandasse, quoniam Statuâ ipsam tot cædium aspectu, non secus atque atrocis alicuius sceleris visu contaminari crederet, quæ omnium erat in illa profana & superstitiosa religione sententia. Apud Suetonium in Tiberio c. 26. Statuas & Imagines suas non inter simulachra Deorum, sed duntaxat inter ornamenta vrbium collocari permisit Tiberius ipse A. Nescio an moderatione id factum fuisse credam, quod nō existimo, quæ eius rectum & obscurum ingenium describit Tacitus non vno loco; & Dio. Religioso cultu id curasse quis arbitretur, cum circa Deos ac religiones negligentior existeret, vt idem Suetonius refert c. 69. Perplacet magis Theodosij pietas, & ea quidem sincera quam testatam reliquit l. 2. Cod. de statu & Imaginibus, sed quoniam lex ipsa amplior extat in Cod. Theodosiano l. 15. tit. 4. ex eo describere placuit.

Si quando nostræ Statuæ, vel Imagines eriguntur, seu diebus; vt adsolet, festis, sine communibus, adsit Iudex, sine adorationis ambizioso fastigio (aliàs, fastidio) vt ornamentum diei, vel loco & nostræ recordationi, sui probe accessisse præsentiam. Ludis quoque simulachra proposita tantum in animis concurrentum, mentisque

secretis nostrum Numen & laudes vigere demonstrent. Excedens cultura hominum dignitatem, supremo Numini reſeruetur. Verè Chriſtiano Principe digna vox. Quamquam non bene conſentire cum ſuperioribus nonnullis vocibus dixerim, ecquid enim Noſtrum Numen dixit Imperator, qui poſtea Supernum Numen veneratur, niſi quædam terrena numina conſtituat, quibus adnumerentur ipſi Imperatores. Et vereor ne tot Numinum ſpecies ab imperitis hinc excogitentur, quot Dæmonum ſpecies apud Iamblicum, Pſellum & cæteros harum rerum ſcriptores. Sed quod legi modo allatæ illuſtrandæ plurimum conducere videtur, obſervandum eſt etiam ſub Chriſtianis Imperatoribus, illorum Imagines ad Ciuitates & prouincias Imperij Romani mitti ſolitas, quas obuij excipiebant populi, cum Cereis & incenſis, non cera perfuſam tabulam, ſed Imperatorem honorâtes, vt habetur Concilio Nicæno Secundo. Minutius Fœlix in Oſtauiò, hæc omnia ita complexus eſt, ſic eorum (Principum) Numen inuocant, ad imagines ſupplicant, Genium ideſt Dæmonem eius implorant, & eſt eis tutius per Iouis genium peiorare quàm Regis. Quod addit Minutius Ethnicos per genium Imperatoris iurare ſolitos, negat Tertullianus Apologetici cap. 32. Chriſtianos iurare per Genios Cæſarum, ſed per ſalutem ipſorum (Cæſarum) quæ eſt auguſtior omnibus Geniùs, qui nihil aliud ſunt

quàm dæmones, & diminutiua voce, dæmonia. Meritò hanc impietatem auersati sunt Christiani veteres; nam auctore B. Ambrosio Epist. 30. *quid est iurare, nisi eius, quem testare fidei tuæ præfulem, diuinam potentiam confiteri.* Et Tertulliano lib. de Idololatria, *Quis enim per quos deierat non honorat?* At per salutem Imperatorum iurabant, quod ab illo per Genios Cæsarium iurandi ritu parum distare cuiuspiam videbitur, imò maximè, de qua re aliàs si Deus dederit; institutam repeto disputationem; Imperatores, suos parètes aut præcessores, Diuos vocabant, quod vulgus litteratorum non ignorat. Diui agnominatiōē, vt dicam quod sentio, vni Deo conuenire, germano vocis significato, plane contendo; communi & vulgari Latine loquentium vsu, vix ante sæculum istud, attributam iis video qui sanctitatis ac beatitatis suæ certissima & viui & mortui argumenta dederunt. Longolij aut alterius persimilis Ciceroniani scriptoris delicatum fastidium nihil moror, cui *Sancti vel Beati* vox palato non aridebat, ac nescio quid barbari sapiebat. Diuos & Diuas prophanis scriptoribus nihil aliud quàm Deos & Deas significare certissimum est. Diuus Apollo, Diua Minerua, Diua Venus & similes locutiones quoties occurrunt, & nullus, nisi qui à litteris humanioribus plane alienus, id negat. De qua re libro primo eorum qui emendato Caroli nomine, de imaginibus circūse-

runtur, c. 3. Quinetiam Christiani Veteres multum diuque dubitarunt an Imperatores appellare deberent *Dominos*, siquidem auctore Tertulliano Apologetici c. 34. *Dominus* est Dei cognomen; sed isto metu ingeniosè illos liberat Septimius ipse Florens iis verbis: *Dicam planè Imperatorem Dominum, sed more communi, sed quando non cogor vt Dominum Dei vice dicam.* Quidni forsà à Christianis postea excogitatū fuit idcirco, vt qui seu in Ecclesia, seu in Republica, dignitatis & auctoritatis fastigio supra cæteros mortales emerent, *Domni* diminutione quadam vocarentur, quasi supremo Domino, hoc est Deo Opt. Max. inferiores, attamen aliquā Diuinæ Maiestatis & prouidentię imaginē præ se ferrent. Sulpitius Seuerus lib. 2. Historiæ Sacræ vniuersim ista de Regibus dixit, *Stultitia Regum omnium, qui sibi Diuina vendicant.* Non probè, non verè, vt ego arbitror, nec enim omnes Caligulis aut Domitionis, paucis itē aliis persimiles, extitisse credendum est. Ac quamquam posterioribus temporibus, quæ non vidit Seuerus, Numinis & Diuinitatis suæ appellationē sæpius obtrudant, benignè tamen id explicari posse nemo nescit; Et ne quid à me hætenus in Principes aut asperius aut durius dictum esse putet quispiam, vbi de summæ illius potestatis moderatione agendum erit, qualis veneratio & honos tribuendus sit Principibus apertissimè demon-

strabo. Satis mihi visum fuit Idololatriæ istius Politicæ fontem originemque indicare, quam ab ipsis Principibus primo loco repetendam esse, superiora faciliè comprobant.

CAPVT. II.

Idololatria politica ab adulatione.

PRINCIPI non dubia, non obscura pestis externa ingruit, ADVLATIO, secunda Idololatriæ istius politicæ scaturigo; Malum istud nec vnus generis, nec vnus formæ, vt postmodum explicabimus, cuius teterrimas voces quas apud Principes exhalet, primum audiamus. Omnia Principi licere, honesta, turpia, æqua, iniqua, innoxia, noxia, salutaria, perniciosa. Calpurnio Flacco declamat. 16. Regis oratio est, *libuit & licuit*. Sic Philippus Augustus Francorum Rex Epistola ad Cardinales Curia, Principibus nonnullis id sibi persuasum ait, *Vt quod libet liceat, quod liceat possint, quod possint audeant, quod audeant faciant*. Affine huic sententiæ est quod habet Iuo Carnotensis Epistola 12. loquens de Ecclesia Dei, *In qua quilibet quodlibet audet, & quod audet facit, & quod facit impunitum transit*. At Memmius apud Salustium Iugurthino, c. 31. pronunciat, *impune quidlibet facere, id est Regem esse*. Plinij certe ea

vox est Panegyrico ad Traianum Imperat. *felicitatis est quantum velis posse, Magnitudinis est velle quantum possis*. Nec alio sensu id Marmertini Panegyrico ad Iulianum A. *Magnitudinem fortune sue Imperator qui mentitur, ignorat*. Neronis ea vox, Suetonio c. 37. *cum negauit quemquam Principum scisse quid sibi liceret*. Pergit adulatio, omnia subditorum bona Principis esse propria. Etiam addat, si hoc verum sit, necessariò consequi, subditos nec proprium, nec dominium habere, nec possidere posse; quin & apud eos nullam Matrimonij honestissimam copulam aut censerì, aut reperiri, sed nescio quod contubernium, à quo qui contubernalem abduxerit, officiosè tantum, & quadam aliorum patiendi necessitate, fecisse videatur; vno nomine subditos cuiuspiam mortalitati obnoxios & pro nullis habendos, vt de seruis explicant Iurisperiti. Domitiani æuo ista sunt ferenda, ille siquidem apud Plinium, in Panegyrico Traiani, exturbatis prioribus Dominis, omne stagnum, omnem lacum, omnem etiam saltum, immensa possessione circumueniebat, nec vnus oculis flumina, fontes, maria deseruiabant. Et quid Cæsar non suum videat? Eò spectat quod de eodem dixit Iuuenalis, Sat. 4.

*Quicquid conspicuum pulcrumque ex æquore toto
Res fisci est vbi cumque natat.* -- Sed iis & superioribus cautiones adhibebimus, capite quinto. Istiusmodi vocibus permotus Princeps

ceps iam Cœlum meditatur, & quæ sub Cœlo sunt longè infra cogitationem suam posita esse arbitratur. Potestatem suam non iisdem, quibus orbis solet, terminis circumscribi posse putat. Iam se Deum fingit, iam aperta suorum adulatione Deus audit. Actor. 12. Statuto die Herodes (Agrippa) vestitus veste Regia sedit pro tribunali, & concionabatur ad eos, Populus autem acclamabat, *Dei Voces non hominis*. Confestim autem percussit eum Angelus Domini, eò quod non dedisset honorem Deo, & consumptus à vermibus expiravit. Sic Pacatus Drepanius Panegyrico ad Theodosium Magnum, illum contuens *fidem constare nescimus auditus, Deum dedit Hispania quæ videmus*. Paulò pòst ubi de eleganti anima quæ nō nisi persimili corpori indatur, agit, *Parcam*, inquit, *arcanum cœlestem rimari, tibi istud soli pateat, Imperator, cum Deo consorte secretum*. Quæ sequuntur, eiusdem palpi sed plane impij, *Illud dicam quod intellexisse hominem & dixisse fas est, talem esse debere (Imperatorem) qui à gentibus adoratur, cui toto orbe terrarum priuata vel publica vota redduntur, à quo petit nauigaturus serenum, peregrinaturus reditum, pugnaturus auspiciū*. At plane execrandum istud, cū ait Deum participem esse Maiestatis Imperatoriae. Eiusdem gustus sunt ista à Nazario prolata, Panegyrico ad Constantium A. *Existimare de Principibus nemini fas est. Nam & in vestibulo suo inquirentem repellit obiecta veneratio, & si qui pro-*

pius adierunt quod oculis in Solem se contendentibus
 euenit, præstricta acie, videndi facultate caruerunt;
 Eñ diuinum aliquod Numen adumbratum.
 Et si hæc utcumque ferenda sint, at quis æ-
 quo animo de homine mortali illa pronun-
 ciari patiatur, quæ de Imperatore suo pro-
 fert incertus auctor Panegyrici, dicti Constan-
 tino Constantij filio, *Cuius (Imperatoris) tam
 pulchra forma est quam certa Diuinitas.* Nec discre-
 pat illud Ennodij Ticinensis Panegyrico ad
 Theodericum Regem Gothorum. *Inter Deos
 agnouisse proximè qui præstitit, reddidisse est benefi-
 cium,* De Rege illud dictum. At Imperatores
 Diuos multis postea sæculis appellatos quis
 ignorat. Syluester 2. P. R. antea Gerbertus, E-
 pist. 90. Diuum Augustū, Othonem 3. discipu-
 lum suum, nominat. Et Epist. 154. Diuinā Ma-
 iestatem vestram vocitat, ad eum scribēs. Græ-
 cam adulationem dixit Tacitus lib. 3. quippe
 quæ huic genti, naturali quodam malo, insita
 & velut ingenita existat, quod à variis Scripto-
 ribus proditum, ab ea profecta esse, quæ habet
 Themistius Græcus homo non vna oratione,
 nemo idcirco ista miretur, Oratione prima ad
 Constantinum pro gratiarum actione, Impe-
 ratoris vel solus nutus ad fœlicitatem vel salu-
 tem abunde sufficit. Scio sacram Scripturam
 ab ea sententia non abludere: at supra homi-
 num conditionem ista esse accipienda, decla-
 rat ipse Themistius, oratione secunda sequen-

te, cū Constantinopoli sacra Imperatoris Constantij ordinari & peragi scribat, nō secus ac Iouis vel Apollinis apud Delphos. Exponit postea quæ illa sint, inter cætera, festos dies in honorē Imperatoris institutos, quibus Ciues Constantinopolitani in adyta conueniant, religiosi & sacris vestibus amicti: Et aliquantū postea Constantiū Imperatorē ab iisdem Ciuibus nō alia ratione quàm Deum Immortalē, suffitibus & donariis honorandum. Quid mirum igitur si oratione sexta, Valentinianum secundum A. Diuinissimum Regem vocet. B. Augustinus lib. 10. de Ciuitate Dei c. 4. Impietatem illam sic perstringit. *Multa de cultu Diuino usurpata sunt, quæ honorib. deferuntur humanis, siue humilitate nimia, siue adulatione pestifera: ita tamē ut quibus ea deferuntur, homines haberentur qui dicuntur colendi & venerandi, si autem eis multum additur & adorandi.* Tradunt lolliginem piscem, nigrū niueo portare in corpore virus, non aliter adulatio, specie quidē blanda & comis, supra quàm credi possit Principibus ipsis potissimum exitiosa & pestifera apprehenditur. Sed quoniam quī adulandi artem apud Principes profitentur, non sunt vnus eiusdemque generis, nec eodem collimant, singula quæque explicemus. Sunt tenuiores, sunt supra vulgus, ac denique alij Summates existunt, qui omnem operam & studium in assentando collocant; sed horum omnium aliqui non nisi de augen-

da re familiari & parandis opibus cogitant, alij ambitione ducuntur, & dignitates atque honores expetunt. Quanta perniciēs ab utrisque Principi impendeat, demonstrabimus Capite Septimo. Vniuersim quomodo ab assentatoribus Princeps obsideatur, videamus. Nā illi falluntur qui Principes acerbè nimium insectari solent quod adulatoribus tam libenter, tam sæpe delectentur; est enim à natura profecta eiusmodi imbecillitas, tum ab illa eximia potestate qua ceteris excellunt, addo & aulam Principum ita esse compositam, ut qui in ea versantur assidue, vix alium quàm placendi spiritum aspirent. In primis malum hoc nobis omnibus inditum & insitum esse, imo innatum nemo sanus negabit. B. Hieronymi ea sententia est Epist. 22. ad Eustochium.

Naturali ducimur malo, adulatoribus nostris libenter fauemus, & quamquam nos respondeamus indignos & calidus rubor ora perfundat, tamen ad laudem suam intrinsecus anima letatur. Non aliter Ioannes ille Carnotensis Episcopus in elegantissimo illo centone Policratici l. 3. c. 4. Populum qui sibi credat habent assentatores, qui de se magis alienæ linguæ acquiescat quam propriæ iudicio cōscientiæ, dum se ipsum quilibet extra se querit & nosse dedignatur, quam sit sibi curta supellex. Nil enim quod credere de se non possit cū laudatur non modò Diis æqua potestas, sed quæcunque anima de fermento superbiæ intumescit. Imitatus est Senecā vir sanctissimus & ille

alter, siquidem Præfatione lib. 4. naturalium
 quæst. his cōsentanea refert. *Habent, inquit, hoc
 in se naturale blanditiæ etiam cū reiiciuntur placent,*²²
sæpe exclusæ nouissimè recipiuntur. Ita Petrus Ble-
 sensis Epist. 77. *Illud etiam apud Palatinos plurimū
 promouet conditionis adulatoriæ sortem, quod etsi non
 omnes laudem appetant, nemo tamen renuit aut con-
 temnit oblata n.* Crispus Passienus apud Senecā
 loco citato dicebat nos adulationi opponere
 non claudere ostium, quemadmodū opponi
 amicæ solet quæ si impulit grata est, gratio-
 rior si effregit. Præterea verò summa illa Principis
 potestas magna & obuia adulandi illecebra.
 Quotus enim quisque est qui in communi ho-
 minum luce & cōsortio versatur, qui sibi, pro-
 pinquis & amicis prospicere non expetat. Pla-
 cent mihi qui in aula versentur, si crebrò illud
 Principi instillēt, quod est eleganter à Pacato
 Drepanio dictum, Panegyrico ad Theodosiū.
*Nullam maiorem esse Principū felicitatem, quàm fe-
 cisse fœlicem & intercessisse inopiæ & fortunam vi-
 cisse & dedisse homini nouum fatum.* Addo, bene
 merito, & bonis artibus, nec citra modum.
 Plinius Panegyrico ad Traianum, postremum
 hoc designat cū ait, *præcipuum esse iudiciū non*²²
magni Principis magnos liberos. Ac quianquā apud
 Tacitum l. 5. Annal. 11. Terentius eques Roma-
 nus de amicitia Seiani ita se purget apud Tibe-
 rium Imperatorem, *Non est nostrum æstimare quæ*
supra cæteros & quibus de causis extollas, Tibi sum-

munus verum iudicium Dii dedere, nobis obsequij gloria relicta est: Sed nouerat ille Tiberium, hoc est occulti & subdoli ingenij Principem, imo scruissimum & immanissimum, sub quo damnatorum, illius iussu, corpora cremare, sepelire vel attingere non licebat, quin & necatos lugere vetitum, & capitale ac planè tum interciderat fortis humanæ commercium, vi metus, quantumque scruitia glisceret miseratio arcebatur, vt præclarè dixit Tacitus, lib. 5. Annal. Ad institutum redeo, Principem prouidum, sagacem, sapientem & perhumanum specto, non Claudium Cæsarem, cui non iudicium, non odium erat nisi indita & iussa, vt ait Tacitus Annali 12. Sæpius Princeps illa Galbæ Imperatoris ad Pisonem, quæ successorē designauerat, verba cogitet. Cæteri libētius cum fortuna nostra quā nobiscum loquuntur. Aulæ & eorum qui, vt veteres loquuntur, in Comitatu Principis versantur, conditio ista est. Siquidem Clemente Alexandrino auctore lib. 2. Pædagogi, in Regiis seu aulis Regum est vana honesti opinio, inanis gloriæ ambitio, error & adulatio. Venustissimè totum hoc vno verbo expressit B. Chrysostom. Homil. 21. in Epistolam ad Ephesios, cū scribit, aulam Regiam refertam esse hydropicis seu inflatis & tumidis. Non esset profecto magnopere dolendum, si solos ista vexaret hydropisis aulica, si ambitionis tumore, vel habendi cupiditate distentos, impunè

& innoxie cum Principe & aliis versari sciremus, sed contagione malum excrefcere, nimis notum. Quid enim non moliuntur apud Principem, vt ab eo quod sibi iudicât profuturum extorqueant. Vnica illis ratio eaque præcipua, quiduis efficiendi, proiecta assentatio: Quos idcirco deprehensos à se longe amandare debet Princeps, imo potius coërcere. Dio, oratione tertia de Regno, adulatores eiusmodi per similes esse contendit iis qui probam monetam adulterare soleant. At qui mensuram circuli exterioris adroserit vt ponderis minuat quantitatem, vel figuratum solidum adultera imitatione in vendendo subiecerit, capitali pœna afficiendus est, Constantini lege Cod. Theodos. lib. 9. Titul. 21. l. vnica. Quin & idem Dio illos assentatores cum falsis testibus componit, quos tot leges seuerissimè damnât. Hinc verissima illorum comprobatur sententia, qui palpones istos Principum, homines fluxæ & dubiæ fidei esse dictitant. Infidelitatis notam illis eleganter adspergit pereruditus iste Carnotensis Episcopus, Policratici lib. 3. c. 4. *Quid verò, inquit, infidelius quàm eum cui fidem debeas, circumuenire verborum blanditiis, ludibrio habitus, gestus transfiguratione & totius Vanitatis lenocinio excacatum, in sordes vitiorum impellere & præcipitationis abyssum:* Et libri eiusdem c. 6. *Non manet fides incolumis vbi aliud agitur, & aliud simulatur, præsertim animo & voluntate nocendi.* At is

scopus est eorum qui Principi assentantur, ut disertè explicat Episcopus ille, de quo mox diximus, lib. 3. c. 10. *Sicut finis Oratoris est persuasisse dictione, Medicicurasse medicina, sic adulatoris finis est suauiloquio decepisse. Verum. Non est in medico semper relictus ut ager, & finem suum qui in altero est Orator non semper assequitur, sic adulator quidem non semper decipit aut de amico triumphat, fine tamen suo non destituitur, si ex contingentibus nihil omiserit. Quod autem simulationem adulatoribus auctor hic superius attribuit, id propterea facit quod constanter defendat assentatores maximam cum histrionibus consensionem habere. Nam qui vultum, inquit, induit alienum, & varias affectuum alternat facere, incolumitati sensuum insidias parat, & Sordidus auriculis alienas colligit escas: Et si histrionem verbo diffiteatur eum moribus & turpitudine confiteatur. Quod assentatoris proprium est, qui ad alterius vivit nutum, & antequam suum proferat iudicium: de singulis expectat alienum: nam hominum mentes explorat, prætentat voluntatem, ut cui rei volueris sensus accomodet, ut gratiam illius cum quo agitur fraudulenter furripiat. At Histrionem esse vel Mimum infamiam ingerit his quos à tanto abiectionis opprobrio naturæ vel personæ dignitas videtur excepisse. Ex iis quæ in Principum adulatores à probis Scriptoribus pronunciata sunt, nobilis emergit quæstio, An Ecclesiasticis viris, & tutum sit, & suo ordini consentaneum, in aulis Regum versari.*

De Episcopis, Petrus Blesensis epistola 84. *Non est nouum*, ait, *quod Regum consiliis intersint Episcopi*. Sicut enim honestate & sapientia ceteros antecedunt, sic expeditiores & efficaciores in Reipublica administratione cēsentur. Postea, *Nisi familiares & Cōsiliarij Regis essent Episcopi supra dorsum Ecclesiæ fabricarent hodie peccatores, & immaniter & intolerabiliter opprimeret Clerum præsumptio Laicalis*. Nunc autem si quid in Ecclesiæ attentatur iniuriam auctoritate Pontificali corripitur. Aut si ad hoc Ecclesiastica censura non sufficit, spiritualis gladij defectus Ciuili suppletur, & ad eorum arbitrium Principalis animaduersio exercetur. Si quandoque, vt fieri solet, aduersus insones Regis indignatio vehementius excandescit, Episcoporum precibus temperatur. Istis mediantibus māsuescit circa simplices Iudiciarius rigor, admittitur clamor pauperū, Ecclesiarum dignitas erigitur, releuatur pauperum indigentia, firmatur in Clero libertas, pax in populis. Et Epistola 150. loquēs de Clericis. Scio quod si qui in Regiæ familiaritatis sacrariū admittuntur multa facere possunt & dicere quibus pauperum necessitas subleuetur, foueatur religio, fiat equitas, Ecclesia dilatetur. Ista præclara, eximia, vtilia quæ si præstentur, aulas Regum Ecclesiasticis viris abū dare nemo non expetit. Et quamquam Episcopos in aula versari ea lege & cōditione probat Blesensis, attamen addit quod præcipuum est. *Isti Episcopi, de quibus præsertim loquitur, singulis præcipuis solemnitatibus, suis intersunt Ecclesijs, ubi elemosynarum largitione, consolatione pupil-*

lorum ac viduarum, subiectorum correctione atque aliis sanctitatis operibus redimunt dies, quos in Curia consumpserunt. At nescio quomodo Ecclesiastici, & quibus alienæ salutis sollicitudo incumbit, in aulam velut in alterum orbem delati, vitæ prioris facile obliuiscuntur, nouumque viuendi genus instituere coguntur. Sed lubrica ista via & facilis ad deteriora lapsus, siquidem eodem Petro auctore Epistola 113. *Frequenter in Palatiis cōuersantur, qui mollibus & delicatis auribus Principum etiam in turpibus, blando lenocinantur applausu, ponentes ceruicalia sub capite, & plumaria sub omni cubito manus. Vix inuenitur in Curii qui non vendat oleum, qui caput peccatoris oleo nō impinguet.* Epistola 77. *Illi soli ad Magnatum gratiam admittuntur, qui palpant blanditiis & aures fame bibulas, calice Babylonis inebriāt. Ampliant eos beneficiis quos torquere debuerant, & à præsumptione adulandi suppliciis detertere. Paulò acrius & valde stomacho se aduersus Monachum qui in aulam se contulerat, & huic se se addixerat, ista scribit Epistola 108. Factus es de numero locustarum, quarum potestas in linguis tota est & in caudis, socius eorū quorum os plenum est amaritudine & dolo, sed cauda eorum cauda vulpium, quibus Sanson alligauit incendium, quorū finis interitus, quorum pœna ignis & vermis. Qui os tuum Euangelio consecraueras, nunc illud venenis detractionum, & adulationum spurcitiis dehonestas. Nimirum prælegisti habitare cum ranis quæ sunt in penetralibus Regum, & inter aulicos simulachrum re-*

ligionis adumbratè prætendens, Magnatū gratiam in magno discrimine animæ tuæ & proprij corporis afflictione venaris. Vno verbo dicere potuit, Vita Curialis mors est animæ, vt ipse scripsit Epistola 14. atque cum vario ambitionis & cupiditatis cōitu aliquādiu impulsus, nō sine voluptate & rerum. suarum incremento in aula Hērici secundi Angliæ Regis versatus esset, tandē ad se rediens non minimam salutis iacturam fecisse, & liberè & ex animo conqueritur. Ac quoniam multus est in iis commemorandis, illud vnum ex eius ad Deum fusa oratione subiiciam: *Dimitte quæso me adhuc vt plangā paululum dolorem meum, ne reuertar in Curiam laboriosam & opertam mortis caligine, vbi vmbra mortis est & nullus ordo.* Concludit hoc pacto. *Licet obsequiū & reuerentiam debeamus Principibus, & maxime Regi tanquam præcellenti, tamen nostræ professionis homines efficacius possent in Ecclesiis deferuire Principibus, quam in Castris. Simpliciores equidem & qui minus in Diuina pagina sunt eruditi, si in obsequio Regiæ Maiestatis militare proponunt, non arbitror hoc absurdū. Porro in sacris ordinib. constitutus, & in diuino eloquio pollēs, qui iam tenetur fontes suos derivare foras, talentumq. sibi creditū cum lucro ad domū reportare omnino inexcusabilis est, si Curialibus vinculis se innectit.* Epistola 150. nonnihil de sua asperitate remittit, sed cautione adhibita iis verbis. *Non solum toleranda, sed desiderāda est plerūque cum Principibus conuersatio Clericorum. Legimus quidem Sa-*

cerdotes & Prophetas frequentiam & familiaritatem cum Regibus habuisse. Tunc enim salubriter disponitur Vita Regum, cum Religiosorum hortamenta se-
 ctatur, & ducuntur consilio sapientum. Verumtamen licet Episcopos & alios qui curam in se gregis Domini susceperunt, Regum consiliis frequenter expediat interesse, sua interest ne ministerium vigilantie pastoralis euacuent, sed sint in conspectu Regum sua conditionis memores, & Petri nauiculam cui præsunt, inter tempestuosos fluctus Curiae non relinquunt. Sed institutam de adulatoribus Principum qui illis Diuinitatem adtribuunt, repeto disputatione & absoluo. Optandum esse ut Reges & Principes suis Prætoriis, imò & larariis sententiam illam litteris aureis describendam curent. Plures Principes adulatio perdidit, quàm hostis licet infestissimus & sæuissimus. Post subactum Orientem Alexander ille Magnus, vix se mortalem & cæteris hominibus moriendi necessitate perfimilem cogitabat, mirum in modum expetebat pro Deo haberi: Et teste Curtio lib. 8. Non deerat talia concupiscenti perniciofa adulatio, perpetuum malum Regum, quorum opes sæpius assentatio quam hostis euerit. Iulianus A. in Misopogone, Principum naturam optimam à proximis deprauari ait, siquidē teste Seneca, Epistola 7. malignus comes quamuis cordato & simplici rubiginem suam affricat.

CAPVT III.

*Idololatria à corruptela Sæculi,
à gentis vitio.*

IDOLOLATRIAM illam politicam seu cultum noménque Dei, Principibus tributum, potestatis abusu, aut proximorum adulatione, mirum in modum auxit vulgi licentia, vel metu, vel ipsius assentationis malo, quod latissimè sese diffundere solet, & populus ipse aulæ vitia imitatur lubens. Tertia ista est origo eiusmodi Idololatriæ, siue à sæculi corruptela illam repetas, aut nonnumquam à domestico gentis alicuius vitio. Singula expendamus. Idololatriæ originem arcessit Minutius Fælix in Octauio, ex cultu Regum defunctorum; *Dum Reges*, inquit, *suos colunt religiosè, dum defunctos eos desiderant in Imaginibus videre, dum gestiunt eorum memorias instantius detinere, Sacra facta sunt quæ fuerant assumpta solatia.* Sed ab iis vita functis ad viuos videntésque error facilè peruenit, id præsertim agentibus Tyrannis, vt isto Religionis metu, suæ vitæ sibi que consulerent ac prospicerent. Quis enim nisi planè impius in Deum non est bene affectus, quis reluctatur, quis obloquitur, quis de eo malè sentit, nisi instabilis & consceleratus. At sibi sacra

fieri, victimas immolari, thure supplicari, nimis putidum atque insolens videbatur. Itaque Statuis & Imaginibus ista deferri, sibi que Diuinitatis existimationem apud populum comparari eo ritu voluerunt. Ista firmari videntur, Sapientiæ c. 14. *Tyrannorum imperio colebantur figmenta. Et hos quos in palam homines honorare non poterant; propter hoc quod longe essent, & longinquo figura eorum allata, euidentem Imaginem Regis, quem honorare volebant, fecerunt, ut illum qui aberat tamquam præsentem colerent sua sollicitudine.* Eò spectare credo illud. *Primus in orbe Deos, fecit timor.* Minutius Fælix in Oâuio, *Etiam principib. & Regibus non ut magnis & electis viris, sicut fas est, turpiter adulatio fassa blanditur. Et cum præclaro viro honor vberius & optimo amor dulcius præbeatur, sic eorum Numen inuocant, ad Imagines supplicant, Genium idest Dæmonem eius implorant, & est tutius per Iouis Genium peicrare quàm Regis.* Apud eumdẽ. Aegyptij hominem sibi quem colunt eligunt, illum vnum propitiant, illum de omnibus cõsulunt, illi victimas cédunt: Et ille qui cæteris Deus, sibi certè homo est velit nolit. Romani amissa libertate, cùm vnus imperio regerentur, quàm proni & faciles in assignâda suis Imperatoribus Diuinitate. Romanus omnis adulatione corrumpitur aut corrumpit, ait Carnotensis Episcopus Policratici lib. 3. c. 10. Tiberij tempora vel sola fidem faciunt, quæ Tacito auctore lib. 3. Annal. aded infecta & adu-

latione sordida fuere, vt non modò primores Ciuitatis, quibus claritudo sua obsequiis prote-
 genda erat, sed omnes Consulares, magna
 pars eorū qui Prætura functi, multique etiam
 Pedarij senatores, certatim exurgerent, scēdā-
 que & nimia censerent, cuiusmodi erant illa
 cū diuinas illius occupationes, ipsūque
 Dominum dicebant; vt refert Tacitus Anna-
 li 2. Non immeritò itaque de iis exclamauit
 Tiberius ipse. *O homines ad seruitutem paratos.*
 Quin viuo Tiberio Asiæ vrbes, damnato Lu-
 cillio Capitone, ipsius in Asia procuratore, Té-
 plum vt Deo posuere & permissum statuere,
 ait Tacitus Annali 4. Sed cū idem præstare
 vellent Hispani, renuit Tiberius, illud pronun-
 cians, *Per omnes prouincias effigie Numinum sacrari,*
ambitiosum, superbum, & vilescet Augusti honor, si
promiscuis adulationibus vulgatur. Ego, inquit, me
mortalem esse & hominum officia fungi, satisque ha-
bere si locum Principem impleam. Sed qua mente
 dictum istud sit à Tiberio exponit Tacitus, alij
 modestiam, multi quia diffideret, quidam vt
 degeneris animi interpretantur. Satis illi fuit se
 Dominum seruorum, Imperatorem militum,
 Principem reliquorum dicere apud Xiphilinū
 ex Dione. Neroniana non attingo, impia plane
 tempora, quibus obiectum Thraseæ Pœto in-
 ter cætera, illum numquam pro Cœlesti voce
 (Neronis) immolauisse; Poppeæam (Neronis
 vxorem) Diuam non credere: Seruilia item

Barex Sorani filia cū curiositatis Magicæ accusata esset, quasi in salutē Principis exquissuisset, respondit, *Nulla mihi Principis mentio nisi inter Numina*, Tacitus Annal. lib. 16. Quis crederet Senecam & sapientia & probitate illustrem, Cæsarem Polybij numen vocasse lib. de Consolat. ad Polybium c. 26. & aliis locis: at liber hic non est erecti, sed deiecti Senecæ & à grauiore fortuna perculsi, atque vno nomine exulis vitam alieno arbitrio ducentis. Numen Othonis Imp. memoratur Tacito historiarum lib. 2. Cæcilij Balbi elegans de ea re oratio ad Augustum Cæsarem, Policratici lib. 3. c. 14. Imperator Auguste, tum in multis elucet prudentia tua, quod isti nondum te omnino insanum reddiderunt, qui vt tibi applaudant, non modò Diis, sed tibi ipsi & populo iniuriā faciunt. Deorum siquidem minuunt reuerentiam quos parificant tibi, te arguunt insipientiæ, dum conditionis tuæ repugnante natura, te parem Numinibus esse persuadere præsumunt. Nota superstitionis inurunt Populum, cui mortales Deos pro immortalibus persuadent esse colendos. Video insuper aut nonnullarum gentium vitio, aut eorum opinione qui de tuenda Regum Maiestate & dignitate, nimium quantum anxij sunt & solliciti, ad idololatriam quamdam iter construī, dum cēsent Principes in abditis prætoriorum latere debere, raros aspectu: quod quid aliud est quàm illos

los pro diuino aliquo Numine haberi. Ita enim verè à Pacato Drepanio pronunciatum est, Pannegyrice ad Theodosium Imp. *Principes nonnulli Maiestatem Regiam imminui & vulgari putabunt, nisi eos intra repositum Palatinae adis inclusos tanquam aliquod Vestale secretum, veneratio occulta consulisset, nisi intra domesticam umbram iacentes, solitudo prouisa & silentia latè conciliata vallassent.* Quam aculeatè morem hūc, quem Barbarum & insolentem appellat, Platonicae philosophiae studiosissimus Episcopus ille Cyrenensis Synesius perstringit, oratione de Regno, ad Arcadium Imperatorem, Magni illius Theodosij filium; dolètque pestem illam summo in pretio & studio habitam, temporum successioni traditam fuisse. Damnat seueriorem hanc grauitatē, qua Imperatores ipsi, palatiis penitus clausi, & à seipsis quasi obsessi, ne suorum facili congressu vilescere videantur; quī sit vt paucissima viderent & audirēt ij, à quibus rerum gerendarum prudentia & postulatur & desideratur; Atque alio loco dolet, quòd hæ circa Reges Carimoniae, institui cœperint, quandoquidem ipsi lacertarum in modum, vix ad solis splendorem prodeuntium, concludantur, ac si vereantur ne homines, ipsos Principes homines esse deprehendant. Non aliter Vopiscus in Aureliano, Imperator qui domi clausus est, vera non nouit, cogitur hoc tantum scire quod alij loquuntur, facit Iudices quos

fieri non oportet, amouet à Republica quos debeat obtinere: Imperatores istius generis perfimiles mihi videntur maritis, qui solent mala domestica scire nouissimi, ac liberorū & coniugū vitia vicinis canentibus ignorare, ait B. Hieronymus Epistola 48. ad Sabinianum. Nescio an à Regibus, an à cōsultoribus, vel vtrisque manauit ista sententia, certe Apuleius eo sæculo, libro de Deo Socratis, liberè scripsit, *inter homines qui fortuna munere opulētia elatus, & vsque ad Regni mutabilem suū gestum & pendulum tribunal euectus est, rari aditus & longe remotis arbitris, in quibusdam dignitatis suæ penetralibus degens. Parit enim conuersatio contemptum, raritas conciliat ipsa rebus admirationem.* Comparat autem Reges cum Cœlo, in quo multa nobis inuisa incognita, quæ soli intellecta, neque prompta noscuntur. Licet autem obseruare Imperatores eius æui morem hūc pertinaciter retinuisse, quod vnico Codicis Theodosiani loco firmabo lib. 16. tit. de Episcopali iudicio l. 2. vbi agitur de Episcopis, Synodali sententia damnatis: *Sit huiusmodi personis, tenore huius legis, illicitum Sacra nostra adire Secreta.* Non immerito Synesius, loco citato, morem hunc barbarum esse dixit, Tacitus, id comprobat, Annalium libro 2. iis verbis, loquens de Vonone, quem Parthis Regem imposuerat Tiberius. *Prompti aditus, obuia comitas, ignota Parthis virtutes.* A Persis, istud Parthos hausisse, pro Imperij succes-

fione, nemo historiæ Persicæ gnarus inficias
 ibit. Persis id vſitatum fuiſſe tam notum eſt
 quam cuique ſua domus, quod & Sacræ &
 prophanæ litteræ ſatis ſuperque oſtendunt.
 Leporum & venuſtatum Latij parens in mili-
 te glorioſo. Scenæ, hera ecchum. *Per Epistolam*
aut per nuncium quaſi Regem adiri, dum aiunt. Re-
 gem non alium quàm Perſarum intellige, nam
 hic vnus & præcipuus & qui merito veteribus:
 Rex magnus ſimpliciter vocabatur: de qua re
 poſt Platonē Dio Oratione 3. de Regno. Bar-
 barus planè Hieronymus ille Siculus Rex; de
 quo ita Liuius libro 24. *Contemptus omnium ho-*
minum, ſuperba aures, contumelioſa dicta, aditus non
alieni modo, ſed tutoribus etiam diffi- ciles. Gothicum
 penitus hoc inſtitutum eſt. Theodahadus
 Rex Gothorum, ad Senatum Romanum, *Epi-*
ſtola 13. lib. 10. Variar. Caſſiodori, Certè minus
eſt videre Principem. Et lib. 6. in formula Comi-
 tiæ primi ordinis. *Hoc multo præſtantius adeſſe*
conſpectibus Regijs. Nollem equidem Principem
 tam obuium, tam facilem vt quiſque è populo,
 cùm volet & quoties libuerit, illum adeat, allo-
 quatur, & importunis nugis animum Princi-
 pis publica meditâtem diſtrahat. Scio Plinium
 recta ſentire cùm in Panegyrico ſcribit hoc
 pacto, *Cui nihil ad augendū faſtigiū ſupereſt, hic vno*
modo crefcere poteſt ſi ſemper ſe ſubmittat ſecurus
magnitudinis ſuæ. Et certè non ab vſlo periculo for-
 tuna Principum longius abeſt quàm humilitatis. Atta-

men non oinnino probauerim illud vt nec ista Senecæ lib. I. de Clementia c. 13. *Princeps fœlix abundè sibi visus, si fortunam suam publicauerit, sermone affabilis, accessuque facilis, vultu qui maximè populos demeretur, amabilis: Nee illa Pacati Drepanij de Traiano. At noster hic omnibus spectandus offertur, nec magis communem hunc diem atque solem quam nostrum Imperatorem videri licet. Ac verissimè subiungit, vicinum habent permissa fastidium; Quæ enim sequuntur vnus Traiani propria sunt, quod nunquam mirâti expleret oculos, magis magisque visus expeteretur, & nouum dictu, præsens desideraretur. Vt priscos illos Francorum Reges. quotannis semel suis magna pompa sese ostentantes non omnino laudauerim, ita Principem nimium popularem, quis pro dignitate venerabitur. Commendat Multiadem Aemilius Probus quod in eo esset mira comitas, vt nemo tam humilis esset, cui non ad eum aditus pateret. Sed vt ille alio loco scribit, Comitas non sine seueritate, neque grauitas siue facilitate spectanda est. Nolim ego in adeundo Principe omnem omnino difficultatis artem adhiberi, quod si accidat, iam nō ipsius Principis culpa est, sed eorum qui admissionum curam habent, imo & eorum qui admitti cupiunt. Lepidè Romanorum sapientissimus lib. de breuitate vitæ c. 2. Dementissima quorundam indignatio est. Queruntur de superiorum fastidio, quod ipsis adire volen-*

tibus non vacauerint. Audet quisquā de alterius superbia queri, qui sibi ipse nunquam vacat. Stolidissima hominum natio quæ suis rebus, Principem etiam publicis curis postpositis, studere vult. Sed si verum amamus, cum Principi otium sit à publica sollicitudine, quod adire non liceat, iam ipsos iniquè admissionales id efficere, palam est. Quam acerbè, quàm asperè illos insectantur Episcopus Carnotensis, Ioannes Sarisberiensis, & Petrus Blesensis. Episcopo primas partes ut par est deferam. Policratici lib. 5. c. 10. Inclementiam Cerberi omnes abhorrent. *Ego me credo vidisse ostiarios (ij sunt admissionales) Cerbero duriores. Apud Inferos tamen Cerberus vnus est. Quot sunt diuerticula Curialium, tot Cerberi sunt. Atrienſes quoque Cerberos sustinebis, totamque familiam quæ semper aut mordet aut latrat. Omnes vero, quotquot sunt, in vno medicos audierunt, dicentes; Dum dolet accipe: facturi etiam, si sibi expedire crediderint, ut doceat quod sanum est. In vno tamen pijsimos esse miraberis, quod quærebis libenter audiunt, fouent humiliorum causas & eo vsque patrocinantur afflictis, dum exhauriunt loculos pleniorum. Petrus Blesensis Epist. 4. non sine stomacho hæc scripsit. Ostiarios Camera confundat Altissimus, facile enim cuiuslibet boni viri, vultum, confusione multiplici & rubore perfundere non verentur. Euasisti terribiles virgas, si nihil dederis ostiario, nihil actum est. Si nihil attuleris ibis Homere foras. Post primum Cerberum tibi superest alius.* Hor-

*ribilior Cerbero, Briareo terribilior, nequior Pigmali-
one; crudelior Minotauro. Quantacumque tibi mortis
necessitas aut discrimen exheredationis incumbat, non
intrabis ad Regem.*

CAPVT QVARTVM.

Moderatio Principis à pietate & metu Diuii Numinis.

Sallustij Crispi apud Tacitum Annali pri-
mo, sententia ab omni honestate & æquitate
aliena mihi semper visa est. Cum Posthumus
Agrippa, Tiberij mandato, initio noui princi-
patus, interfectus esset, nuncianti Centurioni
factum esse quod imperasset, respondit Tibe-
rius, neque imperasse sese & rationem facti
reddendam apud Senatum. Extimuit Salu-
stius particeps secretorū, monuit Liuiam Ti-
berij matrem, ne ipse Tiberius vim principatus re-
solueret, cuncta ad Senatum vocando; eam conditio-
nem esse imperandi, ut non aliter ratio constet quam si
vni reddatur. Sallustius historiæ scriptor, Cice-
roni æqualis, homo nequam vocatur à Lactantio
lib. 2. Diuinarum Institution. c. 12. illius ex so-
rore nepotem hunc longe nequiorem arbi-
tror. Non enim Reipublicæ parentem, non
tutorem, non publicæ salutis vindicem, sed
Tiberium, hoc est sauiissimū & truculentissi-

mum tyrannū nobis ob oculos ponit. Neque vero is sum qui penes populum summam rerū consistere velim. Apage, scæuū Senatum illum virorum eruditorum & grauium, qui de vita, de capite, de salute Principis statuatur. *Populus aut superbè dominatur, aut humiliter seruit*, ait Liuius l. 24. Aurea Taciti verba loco citato. *Nihil in vulgo modicum, terrere ni paueant, vbi pertimuerint impunè contemnendum.* Cui itaque rationem reddet Princeps, Deo, conscientia propriā, famæ, ac denique amorī & salutī suorum, cuius non aliud conceptaculum quàm mens Principis. Ex metā, ii obelisci quibus circus potētia Principalis concluditur. Ab iis moderatio Principis & summæ illius potestatis petenda est. Nullus Regum est aut Principum tam secors, vel impius, qui non aliquando recogitet Summum aliquod Numen non tantū vniuersi molem hanc regere, verum etiam minima quæque Diuinā illam curam & sollicitudinem atque adeo Prouidentiam non effugere. Imperiorum ac Regnorum euersiones, populorum strages, Urbium clades, tot tantæque rerum humanarum conuersiones & mutationes, quas longè antè præuisas humana potentia, vel potius imbecillitas vitare non potuit, satis supérque indicant iis omnibus supremum aliquem præesse Dominum, qui veluti reciprocante fluctu has rerum vices efficit. Apud Senecam patrem, suasoria secunda, præ-

clare dictum. *Numquam in solido stetit superba felicitas & ingentium Imperiorum magna fastigia obliuione fragilitatis humana collapsa sunt. Quisquis Regum summam illam fortunam suam à seyno pendere putat, non sine tremore, Nabuchodonosoris Regis, miserandum casum apud Daniele spectet, c. 4. Iam ille terram despiciebat, cuius imperio non magna portio parebat, ipsi Cœlo imperaturum se confidebat; At Daniel diuinorum arcanorum fidelissimus interpretes Regem suæ vesaniæ admonuit. Septem tempora mutabuntur super te, donec scias quod domine-
tur Excelsus, super regnum hominum, & cuicumque voluerit det illud. Quod autem præcepit ut relinqueretur germen radicis eius, id est arboris, Regnum tuum tibi manebit, postquam cognoueris potestatem esse Cœlestem. Scite apud Plinium in Panegyrico ad Traianum. Ut ceterorum hominum ita Principum illorum omnes, qui sibi Dii videntur, æuum omne & breue & fragile. Aptissimè Isidorus pelusiota l, 3. Epistola 94. scripsit, Deum cum potentioribus & sublimioribus sublimiter se gerere, cum humilioribus benignè. Nam Regum sese Dominum appellat, Seruus meus Nabuchodonosor; & Dic seruo meo David: Sed pater orphanorum & Iudex viduarum, variis scripturæ locis audit. Quoties occurrit illud, in libris sacris, à Deo potestatem Regibus adtributam, & illos Dei ministros esse. Hæc toties & tandiu decantata. Isidorus pelusiota libri*

tertii Epistola 161. eleganter istud pictorum inuolucrum interpretatur, quo manum solam pingere solent, coronam capiti alicuius eminentis imponentem, significantes Imperium illi cœlitus datum fuisse. Quàm demissè, quàm modestè Cyrus, euerso Assyriorum Imperio & extincto Baltasare Rege, ista pronunciauit lib. 1. Esdræ c. 1. Omnia regna terræ dedit mihi Dominus Deus Cœli. Apud Zonarâ Tom. 1. vbi agit de Numa Pompilio Romanorum Rege, refert patrem Numæ dixisse, cùm filio persuadere vellet oblatû à Romanis regnum acciperet. Principatum esse quoddam Diuinum donum & Numinis obsequium. Syne- sius, oratione de regno, illud refert ex Platone. Moderatio ista primaria & præcipua regiæ & summæ potestatis est, si ii quorum ea cura est, Principi instillent Diuini Numinis cultum ac pietatem, imo metum, vt intelligant quicquid sint, totum hoc à Deo se accepisse, quin tã variâ, tam leuem & parum firmam fortunam suam vt Deus, vel momento & nonnumquam memorâdo infortunio illam eripere possit. Ex veteribus ista eximia mutuatus est Ioannes ille pereruditus Carnotensis Episcopus, Policratici lib. 4. c. 1. *Quod princeps potest ita à Deo est vt potestas à Domino non recedat, sed ea vititur per suppositam manum, in omnibus doctrinam faciens Clementiæ aut Iustitiæ suæ. Qui ergo resistit potestati Dei ordinationi resistit, penes quem est auctoritas conferendi eam,*

Et cum vult auferendi vel minuendi eam. Antea illud monuerant Patres Concilij Toletani 6. c. 14. vbi de Rege agitur. *Nefas est in dubium deducere eius potestatem, cui omnium gubernatio, superno constituta, delegata Iudicio.* Et quidem quò maius & præstantius est beneficiũ quod illi à Deo collatum est, eò magis memorem se & gratum tectetur Princeps. Agapetus Parænesi ad Iustinianum Imperatorem. Vt Rex excellentiorem cæteris dignitatem habet, ita supra cæteros homines Deum qui illam dignitatem sibi contulit, honorare debet. A Synesio Episcopo Cyrenensi istud est, oratione de Regno, cuius, vt cætera omittam, illud Regibus præsertim inculcandum. Religionẽ & pietatẽ in Deum, Regiæ dignitatis basim esse firmissimam, cui dum hæc constanter adhæret, nulla omnino vi & tempestate concuti potest. Porro liceat obiter adnotare hoc loco præstantissimum illum Philosophum, & Episcopum, appellare Regem, Simulachrum viuens quidem & animatum, hoc est Dei Opt. Maximi Imaginem referens, in regendis & seruandis hominibus, quòdque Deus, ad similitudinem Cælestis imperij, Regi dederit terrenum Regnum; Quod extat apud B. Ignatium Epistola ad Smyrneneses, & Agapetum in parænesi ad Iustinianum Imp. Sed hîc appositè ad mentem Synesij, Rex nihil aliud est quàm pietatis ac religionis diuinitus fabricatum exemplar & simulachrum.

Quod adeò verum est vt Rex quantum à cultu & obsequio erga Deum absit, tantum se à Regij nominis vi & energia, atque adeò Maiestate abesse intelligat. Et certè nihil tam obsequentes & morigeros Principi subditos reddit, quàm ipsius erga Deum pietas & religio, vt ait Isidorus Pelusiota lib. 2. Epistola 196. Addit ipse Agapetus, vt Rex Dei præpotentis exemplo suos curet, quamoptimos, iustissimos & religiosissimos fieri, & qualẽ erga se Deum optet talem suis sese ipse præbeat. Ab vna pietate ac religione omnia hæc profluere & dimanare si quis pius existat, facile agnoscet. Isidorus Pelusiota lib. 4. Epistola 142. tum demum Regi principatum fortunatissimum & fœlicissimum fore scribit, vbi Dei cultus, pietas, quæ est bonorum omnium supremum, in Principis mente principem locum obtinuerit. Explicat autem quid sit ista pietas & Religio, & quàm latè sese diffundat; eamque vult esse quã efficiat recta de Diuino Numine opinio, & sincera incorruptaque confessio, quam comitetur timor atque dilectio Dei, vna cum beneuolentia erga suos. Rectæ illius & sinceræ pietatis ac religionis, vt hoc dicam obiter, nota præscribitur certa & indubitata, à Leontio Bizantino, eruditissimo scriptore, lib. 1. contra Nestorium & Eutychem, Patres illos recipere qui in Ecclesiâ celebres sunt, & Conciliorum Ecclesiæ decretis & definitionibus acquiesce-

re, & qui aliter faciat Dei ordinationi resistere, & in omnes Christianos seditiosum esse. Eam demum veram esse pronunciant Imperatores Gratianus, Valentinianus & Theodosius senior, Imperatores, quam diuinum Petrum Apostolum tradidisse Romanis religio vsque ad nunc ab ipso insinuata declarat, quamque Pontificem Damasum sequi claret. Cod. Theodos. lib. 16. tit. 1. l. 2. Verè Christiani Principis, ista oratio est, quæ Iustiniani Imperatoris, de conceptione Digestorum ad Tribonianum. Deo auctore nostrum gubernante Imperium, quod nobis à cœlesti Maiestate traditum est, & bella fœliciter peragimus, & pacem decoramus, & Statum Reipublica sustentamus, & ita nostros animos ad Dei omnipotentis erigimus adiutorium, vt neque armis confidamus, neque nostris militibus, neque bellorum ducibus, vel nostro ingenio, sed omnem spem ad solam referamus summæ providentiæ Trinitatis. Et certe tantum non Christianè ista proloquitur M. Antonius Imperator, libro sexto de vita sua, quandoquidem vniuersum hoc consensione, ordine & prudentia constar, mûdi Rectorem se venerari ac in eo spem suam collocare, seque animo constanti & firmo esse profitetur. At si Magistratus rerum à se gestarum rationem Principi à quo instituti sunt, reddere teneantur, quidni etiam Reges & Principes Deo, à quo toti pendēt, & cui debent omnia, rationem reddent vel recte vel secus, gestæ legationis. Imo quantum timoris illud Princi-

pibus incutere debet, dum audiunt ipsos infontes, innocentes, pro suorum subditorum delictis & flagitiis Deo pœnas dare. 1. Regum c. 12. ait Samuel ad populum Israëliticum, *si perseueraueritis in malitia, & vos & Rex vester pariter peribitis.* Et licet Principi potestate abutenti nullus alius esset metus quàm à conscientia propria, an non satis esset, cùm nullum acerbiorum cruciatum experiri possit, Tacito auctore, sic enim lib. 6. Annal. de Tiberio loquitur. *Tiberium non fortuna, non solitudines protegent, quin tormenta pectoris suasque ipse pœnas fateretur.* Et priori commate. *Nec frustra præstantissimus sapientia (Socrates) firmare solitus est, si recludantur Tyrannorum mentes posse aspici laniatus & iectus, quando ut corpora verberibus, ita seuitia, libidine, malis consultis animus dilaceretur.* Extat apud Platonem lib. 9. de Republica. Ac verissimum illud esse ex eo coniicere liceat, quòd habeat nescio quos internos mens scelerata carnifices, aut ipsa sibi carnifex conscientia est, ut scribit Pacatus Drepanius, Panegyrico.

CAPVT QVINTVM.

*Moderatio Principis, à cognitione sui,
& conditione potestatis,*

MODERATE nec supra humanum modū Regem & Principem se se gesturum, si pietati, si religioni morem gerat, capite superiori ostendimus, nunc si seipsum consulat, idest mortalem se, non immortalem, Regem, non Tyrannum, Patrem tutoremque suorum, non tortorem, non pestem perniciemque cogitet, illud ipsum expendamus. Sapientissimus omnium mortalium quàm verè ista de se pronunciauit, Sum & ego mortalis homo similis omnibus. subditque, Nemo ex Regibus aliud habuit natiuitatis initium, Vnus ergo interitus est omnibus ad vitam & similis exitus. Sapientia c. 7. Quicquid Regi affingat adulatio, tamen ipse mortalis est, fœlicitatem suam, fortunam suam quandiu volet contempletur, ipsa vitrea est. Dicat cum Seneca, *Accepimus perisura perituri.* Eleganter Agapetus in exhortatione illa ad Iustinianum Imperatorem. Princeps cuilibet æqualis est naturâ & conditione corporis, & potestate dignitatis similis est Deo, præfidi omnium & supremo; Oportet igitur Regem, Dei exemplo, iracundia minimè com-

moueri, vt mortalem non efferri. Ac licet effigie diuina honoratus: attamen ex puluere terreno cōpositus est, quo edocetur vt erga omnes seruet æqualitatem. Isidor. lib. 3. sentent. c. 49. Dedit Deus Principibus præsulatum pro regimine populorum, & illis eos præesse voluit, cum quibus vna est eis nascendi moriendique conditio. Principis potentiam eximiam & summam esse quis ignorat? at beneficam non maleficam esse debere fatentur omnes recta sentientes. Plinius præfatione historiae naturalis, Vespasianum A. sic alloquitur, *Nec quidquam in te mutauit fortunæ amplitudo, nisi vt prodesse tantundem posses & velles.* Hoc ex collatione & dissimilitudine Regis cum Tyranno, veteres qui ista pertractarunt, abundè explicant. Ac Dio ille Chrysostomus, Oratione prima de Regno atque alibi, disertè Regem cum pastore ouium cōparat, cui nulla maior cura & sollicitudo incumbit quàm seruandarum ouium, sed hæc vulgo nota, & ab innumeris pertractata. Et quid aliud esse putamus Imperium seu Regnum, nisi curam salutis alienæ, vt ait Ammianus Marcellinus lib. 29. Senecam imitatus est, apud quem lib. de consolatione ad Polybium c. 26. *Magna seruitus est, magna Fortuna.* Nec abludit B. Ambrosius Epistola II. *Quanta in ipso Imperio seruitia, cum ad aliorum non ad suum viuant arbitrium.* Tiberio id ita visum est, quemadmodum Dio & Tacit-

tus non vno loco prodidere, sed subdolum & re-
 ctum huius Cæsaris ingenium quis nescit? Alexandrum Seuerum Imperatorem optimum,
 ex animo sese arbitror appellasse dispensato-
 rem publicum, ut est à Lampridio relatum, nec
 aliter Adrianus Imperator, apud Spartianum
 aiebat se Rempublicam ita gesturum, ut sciret
 Populi rem esse non propriam. Explicat istud
 Seneca lib. 7. de beneficiis c. 4. Iure Ciuili om-
 nia Régis sunt, sic Plinio visum in Panegyrico
 ad Traianum, *Cuius est quicquid est omnium, tan-
 tum ipse quantum omnes habet.* Pergit Seneca, &
 eo capite ac sequentibus. *Ad Reges potestas om-
 nium pertinet, ad singulos proprietas. Sub optimo Re-
 ge omnia Rex imperio possidet, singuli dominio. Cæ-
 sar omnia habet, fiscus eius priuata tantum ac sua. &
 vniuersa in Imperio eius sunt, in patrimonio pro-
 pria.* Plinius idem, *Tandem Imperium Principis
 quam patrimonium maius est. Quæ res effecit, ut
 Principes subditorum veluti tutores habiti
 sint, imo etiam nuncupati.* Seneca lib. 1. de Cle-
 mentia c. 4. *Principes Regesque, & quocumque alio
 nomine, sunt tutores status publici.* Plinius Iunior
 Panegyrico, & lib. 10. Epistola 60. ad Traianum.
*Diem, Domine, quo seruasti Imperium, dum suscipis,
 quanta mereris letitia, celebramus, precati Deos ut
 te generi humano, cuius tutela & securitas saluti tuæ
 innixa est, incolumem florentemque præstarent.* Non
 aliter Lactantius Constantinum Magnum al-
 loquitur, lib. 1. Diuinarum Institutionum c. 1.

Guber-

Gubernaculum Reipublicæ etiam senex teneas, tuisque liberis, ut ipse à patre accepisti tutelam Romani, nominis tradas. Seneca lib. i. de Clement. c. 18. *Subditorum, Principi non tradita servitus, sed tutela.* Et quò quæso tutela referri debet, aut vnde nomen sortita est potestas illa, nisi ad tuendum aliquem, & inde tutores dicti quasi tuitores atque defensores, quemadmodum Iurisconsulti docent. Hinc merito leges animadvertunt in tutores qui pupillos circumveniunt, & dolo malo res illorum curant, vel potius dilapidant & improbè administrant. Apud Deum æquissimum Iudicem istius tutelæ Principes rationem reddent. Sapientiæ c. 6. Reges & Magistratus alloquitur sapiens. *Altissimus interrogabit opera vestra, & cogitationes scrutabitur, quoniam cum essetis ministri Regni illius, non rectè iudicastis, nec custodistis legem Iustitiæ, neque secundum voluntatem Dei ambulastis.* Horrendè & cito apparebit vobis quoniam Iudicium durissimum in his qui præsumunt, fiet. Exiguo enim conceditur misericordia, potentes autem potenter tormenta patientur. Non enim subtrahet personam cuiusquam Deus qui est omnium dominator, nec verebitur magnitudinem cuiusquam, quoniam pusillum & magnum ipse fecit, & æqualiter cura est illi de omnibus. Neque verò Principes nomine Tutorum, pro sua in subditis bona fide tuendis cura, tantummodo donatos fuisse legimus, Patres & parentes publicos nūcupatos fuisse perspicuum est. Theo-

dericus Rex apud Cassiodorum Epistola 42. libro 4. parentem se publicum asserit, sic Iustinianus Imperator ad Ioannem Præfectum prætorio, *Omnes subiectos nostros & filios & nepotes habere existimamus affectione paterna & imitatione*, Cod. lib. 3. tit. de Inofficios. testam. Philo locis quamplurimis elegantissime istam explicat appellationem Patris Principibus attributam. Nec abs re, Principibus istud assignatum nomen, exponente Seneca lib. 1. de Clementia c. 14. ut scirent datam sibi potestatem paternam, quæ est temperatissima liberis consulens. Subditis optimè consultum esse quis non videt, qui nihil non humanum, non benignum, non æquum à Principe, hoc est à parente suo expectare possint aut debeant; Et certe *paterna pietas pro liberis consilium capit*, ut lex loquitur. Blandum istud Patris nomen quoties sibi ob oculos ponet Princeps, quàm moderatè erga subditos se geret. At filios habebit immorigeros; ad bonam frugem aliquando redibunt, sed obstinatores, verum *ut fulmina paucorum periculo cadunt, omnium metu, sic animaduersiones Magnarum Potestatum, terrent latius quàm noceant*, ait Seneca de Clementia lib. 1. c. 8. nonnullorum exemplo magis quàm supplicio, Siquidem, ut scribit Quintilianus de declamatione 274. *Quoties noxios crucifigimus celeberrimæ eliguntur viæ, ubi plurimi intueri, plurimi commoueri hoc mætu possint, omnis enim pœna non*

tam ad delictum pertinet quàm ad exemplum. Ex Platone istud desumptum est. Explicat Seneca eiusdem libri c. 22. Princeps animaduertit in aliquem, aut vt eum quem punit emendet, aut vt pœna eius cæteros meliores reddat, aut sublati malis securiores cæteri uiuant. Quantumuis peccent liberi, at qui ius animaduertendi habet, pater est. Patri quid in liberos non licet, quid non potest? at quod natura quod lege licet. Et verè Clemens Alexandrinus 2. Pedagogi. Qui faciunt omnia quæ licet, cito impelluntur vt faciant quæ non licet. Vnde B. Chrysostomo oratione de Principatu: Dignitates inducunt multa facere quæ Deo non probantur. Christianum nescio quid redolet istud M. Antonini Philosophi Imperatoris. Quanta est potentia hominis, cui licet nihil aliud facere quàm id quod Deus sit laudaturus. Antoninus Imp. lib. 12. de vita sua.

CAPVT VI.

Moderatio Principis à studio famæ.

HOC xuo frontem perijsse de rebus omnes boni conqueruntur, at si quis pudor supersit, in Rege ac Principe potissimum deprehendi debet. Regi enim in primis illud curandum est vt subditi, vt exteri de illo optime

sentiant, & posterius iucundissimam ipsius memoriam existiment. Quæ dum apud se Princeps meditatur, cauebit potissimum, ne quid contra publicam vtilitatem, contra honestatem & æquitatem admittat; Eleganter Tacitus libro quarto Annalium: *Cetera Principibus statim adesse, vnum insatiabiliter parandum, prosperam sui memoriam: Nam contemptu famæ contemni virtutes.* Tacitum capio, siquidem Princeps; qui suæ existimationi & famæ nuntium remisit, qui verecundiam ad infinitos & antiquos Senecæ, seu veteris probitatis homines amandat, qui subditorum vocem publicam arroganter spernit, quàm faciliè in teterrima quæque vitia prolabitur. Non ut priuato ita Principi, ista competunt, siquidem eodem Tacito auctore, *ceteris mortalibus in eo stare consilia quid sibi conducere putent, Principum diuersam esse sortem quibus præcipua rerum ad famam dirigenda.* Quam ob causam Plinius Panegyrico ad Traianum dixit. *Perpetua Principem fama inuitum manet, & bona concupiscenda est.* A Seneca illud est libro 1. de Clementia cap. 15. *Principes multa debent etiam famæ dare.* Illud enim verissimum est quidquid Princeps aut secundum virtutem aut secus gesserit, in ipsam redtundare Rempublicam: Vnde harum rerum intelligentissimus Tiberius Augustus, Germanicum & Drusum sic admonebat apud Tacitum lib. 4. Annalium. *Ita nati estis ut bona malæque vestra*

ad Rempublicam pertineant. Neque verò illos non possum non damnare, qui omnia Principis dicta factaque ad speciem composita esse volūt. Pestilentissimum istud genus hominum, quod nobis, pro hominibus, impurissimas & crudelissimas belluas effingunt. Nullum principi & execrandum, & magis fugiendum vitium quàm simulatio. Scitè Seneca libro 1. de Clementia c. 1. Nemo potest personam diu ferre, ficta citò in naturam suam redeunt. Difficile est naturam suam effugere, aiebat alter apud Senecam Patrem, controversia 4. lib. 9. Tãdem aliquando quantumvis subdolè & vafre sese composuerit. Vera redit facies, dissimulata perit. Ea erat Tiberij moderatio, sed arrogans, vt prodit Tacitus, quam Petronius Arbiter dixisset seueram tristitiam. Nullam vitæ suæ partem ignotam esse existimet Princeps quantumlibet solitudine, Domitiani exemplo delectetur. Principis facta dictaque rumor excipit, ideo nullis magis curandum est qualem famam habeant, quàm qui qualemcumque meruerint, magnam habituri sunt, vt scribit Seneca lib. 1. de Clementia c. 8. Plinius Panegyrico. Habet hoc magna fortuna quod nil relictum, nil occultum esse patitur; Principum verò non modò domus, sed cubacula ipsa intimosque secessus recludit, omniaque arcana, noscenda fama proponit atque explicat. Non aliter apud Cassiodorum libro 6. variarum c. 8. in formula illustratus vacantis. Nam malo instituto Viuere nec Principi fas est quando & de illo

*populus occultè potest dicere, cui mores suos publicè nullus ausus est imputare. Permulti reperiuntur qui ad gratiam Principis aduersus veritatem aut scribant, aut dicant etiam dum viuunt, seu quia id ita è re sua esse arbitrètur, seu quod decretorium stylum reformident: mortuis verò quanta inurunt stigmata. Fama illa quæ ad posteros dimanat post obitum, Principi nullo modo contemnenda videtur. Maximè illud obseruandum quod tradit Egesippus libri 2. de excidio Hierosolymitano c.1. Sepulto Herode libera, vtin defunctos solent, iudicia populi depromebantur, grauem fuisse illum & intolerabilem, iniusta imperia in ciues exercuisse. Ita apud Fortunatum lib.2. Rhetoricorum. Cum deposita dominatiõ est constat tyrannum fuisse. Senecæ verissimum pronunciatum. Fama liberrima Principum iudex. De Consolatione ad Marciam C.3. At vrget Plinius Panegýrico. Nullus est locus, nullum tempus quo funestorum Principum manes à posterorum execrationibus con-
quiescant.*

CAPVT VII.

Moderatio Principis à periculis.

PRINCIPI maxima quæ impendent pericula, illum satis superque commonefaciunt, vt se modeste moderatèque gerat, erga omne hominum genus. Nihil enim tam ipsi cauendum quàm odium siue suorum, siue exterorum, quod in varia semper Reges & Principes coniecit discrimina. Etiam innocentissimi Reges isto metu minimè soluti sunt. Regia ipsa potentia periculum sibi ex sese creare videtur B. Cyprianus Epistola 2. *Maiores Regibus quàm ceteris metus est, tam ille timere cogitur quàm timetur.* Antea id docuerat Minutius Felix in Octauio. *Rex es tam times quàm timeris, & quamlibet sis multo comitatu stipatus, ad periculum tamen solus es.* Seneca tacitè quæ istud fiat indicare videtur libro 1. de Clementia C. 19. *Errat si quis existimat tutum esse ibi Regem, vbi nihil à Rege tutum est, sed securitas securitate mutua paciscenda est.* Regem innuit cui tam facile & iucundum subditos iugulare, quàm olim Magistratui Romano munus gladiatorium edere. Et quidem verum illud est eiusdem Senecæ. *Prope est vt libenter damnet, qui citò; Prope vt iniquè puniat, qui nimis.* Discat Princeps ab eodem non minus

illi turpia esse multa supplicia, quàm Medico multa funera. Vtinam humanum & clementem Principem isto metu & periculo liberare possemus. Sed quoniam Principis hostes à quibus sibi metuere debet, non vnius sunt generis, illorum vnumquodque genus expendamus. Sunt quibus est odiosus Princeps, aliis Monarchica politix forma displicet; Et horum nonnulli apertas profitentur inimicitias, alij tacito in Principem feruntur odio, & dum ipsi proximè adstant, satis se latere arbitrantur, si modo velut siparium aliquod, vel cumulandarum opum studium, vel dignitatù ambitum opponant, vt cuique fidem faciant totos se in eo esse quatenus suis rebus priuatis tantummodo consulant. Sunt qui quamquam habendi cupiditate, vel ambitione ducantur, à priorù consiliis penitus abhorrēt, quique saluum magis quàm perditum Principem velint. Pestes illas priores Princeps aduertat hoc vnum moliri, vt ipsum euertant, & publicum turbent rerù statum; Posteriores & domesticas, quanquam illarum innoxia sint consilia, nihilominus tamen Principi vehementer obesse demonstrabimus. Quibus artibus id efficere tentent nobis est videndum, nam de apertis Principis hostibus alius est dicendi locus. Liberalitas aut nulla est, aut Principum virtus propria, ecquid enim sordes & avaritia cum Principis dignitate; quæ nulla aliare vel illustrior vel locuple-

tior esse potest quàm liberalitate. Pacatus Drepanius, Panegyrico ad Theodosium A. *Vt ille qui cuncta ambit Oceanus, quas suggerit aquas terris, recipit è terris, ita quicquid in Ciues manat à Principe, redundat in Principem, & rei & fama consulit munificus Imperator; lucratur eam gloriam cum det pecuniam reuersuram.* Plinium non audio qui Panegyrico, scripsit nullum esse magno Principe immortalitatè que merituro impendij genus dignius, quàm quod erogatur in posteros; viuentes dicere debuit, quibus prius consultum esse par est quàm futuris. Sed vt ipsa avaritia facile expleri non solet, qui opibus à Principe aucti sunt facilem nacti Principem, vix conquiescunt donec exhausto fisco, priuatorum opibus inhient; Et quamuis Iustitiæ consentaneum videatur damnatorum bona, fisco addicta esse, at vni fisco augendo, frequentì & leui reorum damnatione studere, non nihil cum æquitate pugnare videtur. Optimè Seneca lib. 1. de Clementia c. 15. *Principi semper curandum vt gratuita sit seueritas:* Ita si hæc avaritiæ non satisfaciant, iam populus grauissimis vectigalibus diuexadus est; iam indictionibus oppressi subditi, vix hircines illas aulicas ad commiserationem permouent, Illud aurum purius splendidiúsque credunt, quod dederint dolentes, quod hominum lacrymæ non annium aquæ abluerint, nec è terrenis specubus egestum, sed è viscèribus miserorum esset effossum. Me-

minerit Princeps illud Trogi lib. 38. Asia sollicitata à Mithridate Rege Póti, deficit à Romanis, quia vexabant eam rapacitas Proconsulum, sectio publicanorum & calumniæ litium. Hæc pro nihilo ducit auaritia, illius explendæ spes nulla, nec enim, vt natura fert, copiam satietas sequitur, sed crescit in dies habendi fames & parandi rabiem parta irritant. Vt ægrotorum sitim potus accendit, vt ignis arentibus non obruitur, sed augetur, ita coactæ publica egestate diuitiæ, auiditatem ieiunæ mentis acuit. Actum apud subditos transit in vota paupertas, hinc omnis illa erga Principem beneuolentia aut plane extincta est, aut grauiter labefactata iacet. Hinc odium in Principem, quod periculi nonnisi plenum esse potest. *Nullus perniciosior hostis quam quem audacem angustia faciunt.* Seneca lib. 2. Natural. quæstion. c. 59. Sic apud Liuium lib. 42. *Inopia rerum nouandarum occasio est, & pauperes odio rerum suarum mutare omnia studet, turba atque seditionibus sine cura aluntur, quoniam egestus facile habetur sine damno,* ait Salustius in Catilinaria. Rationem reddit Aristides, oratione priore de pace; Nam dum nouas res moluntur si conatibus excidant, in priore semper consistent statu, at si vincant, malis omnibus liberentur. Nec minus discriminis imminet Principi ab iis qui maximas quasque dignitates omni ambitione consecrantur. Vt enim omnium rerum humanarum spes nos postremâ deserit,

ita qui honorum ambitui totos se manciparunt, in eo consenscant necessum est. Princeps fortunatum se putat, si summates rerum fortiter ac feliciter gerendarum idoneos & acres habeat. *Sed industria & vigilantia noxiae quoties parando regno finguntur.* Tacit. lib. 4. Et ij sunt nonnunquam. *Qui nolunt occidere quenquam, Posse volunt.* Iuuenalis Satyra 10. Quam venerabundi Regi adstant, quanta benignitate & comitate plebeculam sibi demerentur. Sed ipsi à Tibullo discant libro 3. Elegia 3. *falsò plurima vulgus amat.* Aptè Tacitus Annali 2. *Breues & infavstos Populi Romani amores* dixit, Nec aliter Iuuenalis, *Turba Remi sequitur fortunam ut semper & edat Damnatos.* Vulgus ubi ubi sit semper vulgus est. *Populus novarum rerum cupiens pauidusque.* Tacito lib. 15. Quam ornatè vulgi levitatem & inconstantiam descripsit Maximus Tyrius sermone 15. Et libenter audit Populus non deesse qui illius vicem doleant, qui illi opitulandum dictitent, qui nescio qua misericordia moti; Principi magno animo referant populum veteribus indictionibus pressum ad nova deficere. Iis vocibus inescatus populus, more truculentæ alicuius bellæ, cui persimilis est Platone auctore libro 6. de Repub. in obuium quemque incurrit. Non aduertit hæc esse, ut refert Themistius oratione 4. illicium eorum quos soluta legibus delectat vita, quorum crudelitas indemnatos necandi, improbitas pri-

uata capiendi; libido honesta fœdandi, ius atque impunitatem requirunt. Quid illud sit, satis apparet, & quid monstri alat popularis ista facilitas, indicat Dio Chrysostomus oratione 20. de secessu. Non absque ratione dictū à Tacito lib. 2. *Annal. Dissplicere regnantibus ciuilia filiorum ingenia*, quidni potius aliorum.

CAPVT OCTAVVM.

Princeps an reprehendendus, & quomodo.

PRINCIPI adulandum esse nefas duco, blandiendum esse contendo. *Vt enim adulationi fœdum crimen seruitutis, ita malignitati falsa species libertatis inest*, auctore Tacito lib. 1. *historiarum*, medium iter capeffendum. Ab utroque extremorum quàm longissimè abesse debet vir bonus. Istud Taciti mente sæpius expendat *Annali 4. Adulatio moribus corruptis perinde anceps, si nulla & ubi nimia est.* A Seneca depromptum, apud quem lib. 4. *Naturalium quæstion. Præfatione* legimus istud, *Eò dementia venimus vt qui parcè adulatur pro maligno sit.* Gallos adulandi nescios describit Iulianus A. quem nos Parabatā dicimus, in Misopogone. Et quis veterū Gallos à singulari erga Reges suos cultu & veneratione non commendauit. Est autem maligni;

tas omnis cum odio coniuncta, Galli itaque olim suos Reges vt impensè deamabant, ita pudenter venerati sunt, at citra adulationem. Arduū illud & perdifficile quispiam existimauerit, inter abruptam contumaciam & deformē obsequium pergere iter ambitione & periculis vacuum, vt aiebat Tacitus Annali 4. Adulationem vt pote veritatis hostem planè damnamus, blanditias cum veritate bellè consentientes non modò retinemus, imo necessarias esse ducimus, vbi cum Principe ex compacto res agenda est. *Regibus quæ profunt, ita tamen vt delectent suadenda sunt.* apud Senecam patrem suavioria prima. Consultissimè Iuo Carnotensis Episcopus Epistola 171. *Reges si aliquando potestate sibi concessa abutuntur, non sunt a nobis grauiter exasperandi, sed vbi sacerdotum admonitionibus non adquiuerunt, Diuino Iudicio sunt reseruandi.* Hildebertus Cœnomanensis Episcopus Epistola 35. *Blandiri oportet non detrahere Potestati.* Et Epistola 73. apud Serenissimum Regem, *opus est exhortatione potius quàm increpatione, cōsilio quàm præcepto, doctrina quàm virga.* Eadem Petrus Blesensis Epistola 113. ad Episcopum Aurelianensem. *Si Regis Francorū faciē reuereris adhibe tibi de Coepiscopis tuis qui spiritu Dei aguntur, & tanta verborū moderatione vtaris, vt si fortis est sermo nihilominus sit suavis.* Magistri officiorum olim sub Imperatoribus Romanis illud munus erat, vt qui Principem alloqui vellent, dicendi & loquendi for-

mam ab eo acciperent, ne quid aut elatè nimis & intemperanter, vel ineptè & insulsè proferrent. Hinc apud Cassiodorum lib. 6. Variar. c. 6. In formula Magisteriæ dignitatis. Per eū (magistrum officiorum) Senator veniens nostris præsentatur obtutibus, admonet trepidum, componit loquentem, sua quinetiam verba solet inferere, ut nos decenter omnia debeamus audire. Extat de eare eiusdem Petri Blesensis Epistola quæ est 101. qua respondet cuiquam insectanti Archiepiscopum, qui Regem peccantem non qua debet seueritate corripere, sed nimia lenitate, quasi Regi subpalpari videretur. Scripturæ testimonio demonstrat seueritatem mansuetudine temperandam esse. Nā quid sibi volebant in Templo Salomonis sculpti leones, quibus adhibita erant lora non adstricta sed laxa, nisi ut intelligeremus necessarium esse ut disciplinæ & correctionis seueritas, refrenata loro mansuetudinis, non constringatur, sed potius tantisper soluatur. Nec aliud nobis indicat Ezechielis Prophetæ illa visio, qua in medio Ignis species electri visa est. Est enim electrum genus metalli temperatissimum, quo significatur austeriorem quædam libet correctionem, alioquin necessariam, suavissimo blandimento condiendam esse. Remissionem hanc appellabat obtrektor ille Archiepiscopi, Respondet Petrus aliam esse remissionem cautam & necessariam, aliam quæ cum

fœda adulatione coniuncta sit. At necessaria illa est quæ defertur Potestatibus huius mundi, & maximè Regi tamquam præcellenti, hæc lenitas Regnum & Sacerdotium facit vnū, hæc sua benignitate obtinet quod numquam per minas aut violentias à Principibus extorqueret. In hac lenitate nec Deus nec homo offenditur, in qua fides à Prælato tam Deo quàm homini exhibetur. Turpe quidem & absurdum est in Prælato cum ira & austeritate corripere, sicut Apostolus ad Timotheum scribens ait c. 2. Seruum Domini non oportet litigare, sed ad omnes mansuetum esse & patientem, & cum lenitate corripere eos qui resistunt veritati. Altera verò remissio planè damnanda est. quæ quidem os Prælati obstruat, quæ mentem eius deiiciat, quæ adulatorem & venditorem olei facit, dum sibi quietem & honorificentiam venatur in fauore Principum, hæc miseros præcipitat in foueam scandalorum: Per hanc Prælati miseri bonum Pœnitentiæ quod in Principibus vident, palpando & vsque ad canos, vberiore Christi misericordiam promittendo, euacuant. Peccant Principes quàm homines, quàm Principes, nec tamen vno eodemque modo corripiendi, quemadmodum nec vnus generis delictum esse credendum est, aut enim clā aut palam est admissum. Neutrum coram populo & eo teste commemorari velim. Scriptura id nos docet lib. 2. Regū c. 12. Dauid Rex alterius

vxorem abduxerat, stuprarat, virum interficiendum curauerat; Ista non ignotata, Nathan à Deo iussus, eum conuenit, & insigni suauitate ac veneratione Regem corripit, & ementita similitudine in seipsum sententiam ferre compellit. Nec aliter à quodam Propheeta obiurgatus est Achab Rex Israël, eò quòd Rex Syriæ Benadad, qui in eius pòtestatem, post insignem de eo diuinitùs partam victoriam, venisset, & honorificè ab eo dimissus esset, libro 3. Reg. c. 20. Correctionis gradus varios præscripsit Christus, Math. 18. at primus secretior est, & quantumuis vnum aut alterum adhibeas testem deinceps, at in spiritu lenitatis id præstari debet. Petro Blesensi Epistola citata. Qui verius diligit, seuerius corrigit, occultè tamen & efficacior est in ijs ad emendationem Principum, lenitas columbina quàm seueritas exterior & indignatio vultuosa. At coram populo id præstare nullo modo ferendum est: hac enim contumeliosa dicacitate, & in Principem dicendi libertate, audaciæ plenissima populi in Principem & veneratio ac denique obsequium si non soluitur ac grauius minuitur, cùm is sit ad illius contemptum gradus proximus, & quis nescit plebeiorum hominum faciles, vt ad amorem ita ad odium mentes. Et quidem eò periculosior istorum oratorum confidentia, si modo religione aliqua nitatur. Apud Modestinum lib. 1. de pœ-

de pœnis extat constitutio Marci Imperatoris. *Si quis aliquid fecerit quo leues hominum animi superstitione Numinus terrentur, D. Marcus huiusmodi homines in insulâ relegari rescripsit, D. de pœnis. l. 30.* Scio Herodis à B. Ioanne Baptista reprehensionē publicā fuisse, at nō pauca, non exigua, sed multa & magna scelera Herodes ille admiserat, de quibus Isidorus Pelusiota variè disserit. Epist. 96. lib. 4. Quanquam vnus præfertim mentio habeatur, quod illi obiiciebat Prophëtarum seminus, & quidem palam, sed non vnus erat lapsus, quin potius seminatum delictum. Tradunt historiæ Ecclesiasticæ Numerianum Cæsarem à B. Babyla, Theodosium Magnum à B. Ambrosio palam reprehensos. Mitto alia innumera exempla. B. Ambrosius Iustinam Valentiniani secundi matrem, Herodiadem vocat lib. 3. de virginibus, Gaudentius Brixientis Episcopus, eodem tempore Iesabellem illam dixit Præfatione in Tractatus. B. Glaryfostomus: quæ stigmata non inussit & famæ & nomini Eudoxiæ vxoris Arcadij Imperatoris. B. Bernard. Epistola 49. & 223. Regem Francorum sui temporis, alterum Herodem nominat. Quam acerbè Regem Angliæ exagitat Hildebertus. Cœnomanensis Episcopus. Epistola 19. Quin ipse Petrus Blesensis Epistola 27. loquens de B. Thoma Cantuariensi Archiepiscopo, Deum Pharaonis id est Regis Angliæ vocat. Sed quisquis es cui ista Princi-

pum publica correptio cordi est, da Babyllas, da Ambrosios, Chrysoſtomos, Bernardos & ſimiles, merito lubens in tuam pedibus ibo ſententiam. Plurimum certe valet apud omnes & potiſſimum apud Principem, de alicuius virtute, integritate, & ſanctimonia, concepta exiſtimatio, quæ res, Principem aberrantem ad rectum iter reducendū, maximum habet adiumentum. Iis præditus ornamentis & præſidiis Episcopus, ſeu quis alius & dignitate, & rerum uſu atque ſincera in Principem fide illuſtris, qua decet veneratione & comitate, Principem admonens, ad bonam frugem illum reuocabit, nec ſemel id tentafſe ſufficiet; Ut enim in grauioribus morbis fieri ſolet, quando humor noxiuſ, peruicax & pertinax eſt, nec leuioribus remediis cedit illico, præparandus ille eſt & ſenſim educendus, ne ſi acrioribus & vehementioribus remediis vrgeatur, Caduca victoria expugnetur. Sunt certe eiuſ generis in Principum animis morbi, auctore Ammiano Marcellino lib. 14. *Apud Principes vrin capite mundi, morborum accerbitates celſius dominantur.* Venuſtè Ioannes ille Carnotenſis Episcopus, & quidem ornatis verbis, iſtam præſcribit corripiendi formam ac regulam, Policratici lib. 3. c. 5. Eſt quidem omnium captanda beneuolentia quæ fons amicitia & primus charitatis progreſſus eſt, ſed honeſtate incolumi, officiorum ſtudiis, virtutis via, obſequiorum fruſtu,

integritate sermonis. Adsit & fides dictorum
 scilicet factorumque constantia & veritas, quæ
 officiorum & bonorum omnium est funda-
 mentum. Quæ si apud cæteros homines va-
 lent, quantò rectius apud Principes obseruan-
 da sunt, huiusce rei memorandum extat exem-
 plum B. Bonifacij Maguntinensis Archiepif-
 copi, de quo crebra mentio in historia nostra
 Gallica, sub Carolo Martello & filiis. Is Episto-
 la 19. dum Ethebaldum Regem Merciorum in
 Anglia, vult arguere, orditur sermonem hoc
 pacto. *Confitemur coram Deo & sanctis Angelis*
quia quamdiuque prosperitatem vestram video &
opera bona, coram Deo & hominibus per nuncios fi-
deles audiuimus, quod inter gaudentes & pro vobis
orantes lati gratias agimus Deo, postulantes & obse-
crantes Saluatorem mundi vt vos sospites, & in fide
stabiles, & in operibus coram Deo rectos, in principa-
tu Christiani Populi longo tempore custodiat. Sed
 postea sensim illum carpit quòd Sanctimonia-
 les & virgines Deo dicatas, incesta & sacrilega
 commixtione, contaminaret; à quo nefando
 scelere, S. Scripturæ testimoniis, tum ratione,
 denique exemplo infœlicis interitus duorum
 Regum istius insulæ, ob simile peccatum, il-
 lum nititur auocare. Quin vt Regem eundem
 suis cohortationibus obsequentio rem habe-
 ret, B. Bonifacius, muneribus placare conten-
 dit, Epistola 12. dono mittit accipitrem vnum,
 duos falcones, duo scuta, & duas lanceas. Prin-

cipi si eiusmodi adhibeatur moderatio, suorum vitiorum reprehensio ingrata nec esse debet nec potest, siquidem teste Ammiano Marcellino lib. 15. *Ea etenim laus grata esse Potestati debet excelsa, cum interdum & vituperationi secus gestorum pateat locus.* At id nō modò in vitiis Principum arguendis locum habet, sed in cæteris quibuscūque rebus, vt si contra fas & æquum quidpiam agere cogitet, recta monentem audiat, sinatque se ab illa opinione abduci, neque indecorum putet si mutauerit sententiam, modo ea mutatio fidem increatur iustitiæ, aut publicæ utilitatis, vt aiebat M. Antoninus Imperator lib. 4. de vita sua. Neque verò illud satis esse puto, si Princeps lubens audiat increpantem, hoc certè primarium & præcipuum est si culpam & agnoscat & emendet. Verum enimvero id optandum magis quàm sperandum censent nonnulli. Isidorum Hispalensem Episcopum secuti, lib. 3. sententiarum, c. 50. Difficile est Principem regredi ad melius si vitiis fuerit implicatus: Populi enim peccantes Iudicem metuunt, & à malo suo legibus coërcentur; Reges autem nisi solo Dei timore, metuque gehennæ coërcantur, liberè in præceps proruant, & per abruptum licentiæ in omne facinus vitiorum labuntur. Ab ea Isidori sententia me ratio ipsa lōgè auocat, quam me docuit vir pietate & eruditione clarissimus, Isidorus Pelusiota, Epistola 79. libro 2.

Hippocrates Medicorum Princeps morbis qui sanationem omnem respuunt, vlla medicamenta adhiberi vetat, at persæpe contigit vt Medici, adhibita operâ iis qui morbo incurabili affecti erant, illos ipsos fœliciter curarint: Multo magis cùm de animorum morbis agatur. Illud enim apud omnes in confesso est, corpora naturæ vinculis necessitate quadam constringi, suasque fixas & ratas habere propensiones & affectiones, animorum verò dispar est omnino & dissimilis ratio, cùm liberam habeant rerum propositarum electionem, & ipsa voluntas nullius nisi solius Dei Imperio subiaceat, atque in hominis potestate situm sit omne id quod antea complexus fuerit penitus repudiare, quod vel ad vltimum vsque vitæ spiritum perdurat. Neque idcirco spes omnis abiicienda est, etiam si Princeps correptus non resipiscat, nec cohortationes satis fœliciter succedant. Nam vbi humana remedia frustra adhibita fuerint, sanatio à Deo expectanda est, vt admonet Isidorus idem Pelusiota, Epistola 397. Et eius rei gratia præces ipsi Deo allegandas esse suadet Theodoretus, oratione 7. de Prouidentia. Et præclara ista est B. Bernardi sententia, Epistola 170. ad Ludouicum iuniorem Regem Franciæ. *Si totus orbis aduersum me coniuraret, vt quidpiam molirer aduersus Regiam Maiestatem, ego tamen Deum timerem, & ordinatum ab eo Regem offendere temerè non auderem.*

Aliquantò post, vbi multa commemorauit ab eo Rege contrarius & æquum gesta, non de illo interficiendo, vel regno exturbando agit, *Sed, meliora, inquit, speramus, expectamus iucundiora.* Et postea. *Hoc optamus, hoc oramus die ac nocte.* Et Regem alloquens. *Hoc sentite de nobis, hoc sentite de nostris. Non infringetur veritas hæc in nobis, non imminuetur honor Regis Regnique vtilitas per nos.*

CAPVT NONVM.

Quis amor, quis cultus in Principem.

VENERATIO siue honos alicui tributus, nō nisi à virtute & eo quod laude & commendatione dignum sit proficisci solet. Fictum & eumentum honorem atque adeo coactum & vi expressum nil moror. Plinio in Panegyrico. *Aliud securitatis, aliud sollicitudinis ingenium est, & ingeniosior est ad excogitandum simulatio veritate, seruitus libertate, metus amore.* Multa excogitat metus, sed quæ appareant quaesita ab inuitis. Regibus per se debita veneratio, siue quod Regia ipsa dignitas, augustissima sit, & veluti Diuinæ gloriæ decerptus quidam radius, seu quia illa necessaria; hinc amor in Principem. Priorem partem explicemus. Regem Dei imaginem continere ac

præ se ferre, quis nescit, ea de causa apud Sextum Empiricum Pythagoreum, Regnum dicitur Dei imitationem in se completi. Ioannes ille Carnotēsis Episcopus, Policratici lib. 4. c. 1. eleganter & verè. *Princeps est potestas publica & in terris quadam Diuinæ Maiestatis imago. Proculdubio magnū quid Diuinæ virtutis declaratur inesse Principib⁹, dū homines, nutibus eorū, colla submittūt, & securi plerumque feriendas præbent ceruices, & impulsu diuino quisque timet quibus ipse timori est.* Dei vices in terris gerere Reges dicuntur. Plinius in Panegyrico. *Principem dat Deus qui erga omne humanum genus vice sua fungatur.* Eleutherius P. R. Epistola ad Lucium Britannum Regem, Vicarium Dei nominat: habetur inter leges B. Eduardi. Quin & Dij appellantur in S. Scriptura, Psalm. 81. ac dictio ipsa Elohim præter Deum, & Angelos & Reges ac denique iudices significat. Reges, qui Angelorum, qui iudicum munus obeunt, etiam totum hoc nomen sibi merito vindicare possunt. Et vt illud obiter demonstrem, Regum lib. 2. c. 14. *Sicut Angelus Domini, sic est Dominus meus Rex*, ait ad Dauid, Thecuitis illa sapientissima mulier. Et paulo post. *Tu Domine mi Rex sapiens es, & sicut habet sapientiam Angelus Dei.* Perplacet admodum B. Thomæ Theologorum facillè Principis interpretatio, cum exponit Imperatores olim Diuos appellatos fuisse, id est Diuinæ Prouidētix ministros, B. Thom. 2. 2. q. 99. art. 1.

& ex eo descripsit B. Antoninus, 2. part. tit. 1. c. 21. Regio in vultu nescio quid cœlestis fulgoris relucere verè dixit Themistius, oratione secunda ad Constantium Imperatorem. Nec igitur abs re dictum illud Varij Gemini, apud Cæsarem, refert Seneca pater, controuersia 8: *Cæsar qui apud te audent dicere magnitudinem tuam ignorant, qui non audent humanitatem.* Boni Principis istud posterius argumentum est. Iam non nudas appellationes istas, nō externa illa quærenda esse tantummodo arbitror; Maiora inuestigare animus est. Regiæ dignitati sanctitatem quandam inesse, demonstremus, non qualem Regio nomini inesse etiam barbaræ gentes olim crediderunt, vt est apud Salustium, in fragmentis libri quarti historiarum, aut quemadmodum sanctissimus Alexander dictus est, Apuleio lib. 1. floridorum; sed Christiano ritu id illis contingere, videamus. Scio nonnullos ex Sacerdotalis consecrationis similitudine illud ipsum deriuare, quandoquidem Reges etiam pro Sacerdotibus habeantur. B. Iræneus Lugdunensis Episcopus, apud Antonium Monachum in Melissis, lib. 2. Rex omnis iustus Sacerdotalem obtinet dignitatem. Apud B. Iræneum, lib. 4. c. 20. locus ille paulò aliter conceptus est. Sacerdos fuerat Dauid apud eum: omnes enim Iusti Sacerdotalem habent ordinem. Equidem lib. 2. Regum c. 8. scribitur; *filij autem Dauid Sacerdotes.* Paraphrastes Chal-

dxus, habet, *filij David Magnates*. Ac lib. I. Paralipomenon c. 18. Vbi locus ille repetitur, vulgata editio legit. *Et filij David primi ad manum Regis erant*. Verumtamen B. Ambrosius Epistola 30. ad Valentinianum Imperatorem, Gratiani fratrem, sic eum alloquitur. *Conuenio fidem tuam Christi Sacerdos*. Quid Græci suo Imperatori hac in re adtribuerint, nos in Commentario de Episcoporum sacra auctoritate exposuimus. Sed reapse Reges Christianos Catholicos, vnctione sacra delibutos, palam est. Mirum verò quod scripsit Balsamo in Canonem 12. Concilij Ancyranj, Regiam vnctionem in consecratione non minoris esse efficaciz ad delenda peccata prius admissa, probatque exemplo Ioannis Zimisæ Imperatoris Constantinopolitani, qui propter à se interfectum Phocam Imperatorem, à Patriarcha non fuerit admissus in Ecclesiam ante coronationem, quâ peractâ, postmodum admissus est, veluti accepta veniâ parricidij ab eo patrati. Hæc nostri Theologi probare non possunt, nec enim lethalia peccata nisi Sacramentorum vi & energia purgari queunt, ipsa verò vnctio Regia Sacramentale quiddam tantummodo censeri debet. Neque quod ad Regij fastigij sanctitatem plurimum facit omittendum existimo, videlicet aliquem publicè excommunicatum, si Regis mensa & conuiuio honestatus fuerit, non amplius vitandum sed impunè cæteros,

citra noxam cum illo versari posse. Concilij Toletani 12. c. 3. *Quos Regia potestas aut in gratiam benignitatis exceperit, aut participes mensa suæ effecerit, hos etiam Sacerdotum & populorum conuentus suscipere in Ecclesiasticam communionem debet, ut quod iam Principalis pietas habet acceptum, neque à Sacerdotibus Dei habeatur extraneum.* Sic B. Anselmus, Epistola ad Ernulphum Priorem; *Audistis quibus ex præcepto Apostolico communicare non possum sine animæ meæ periculo, quorum communionem, Regi communicans, dum ipse eis communicat, vitare non valeo.* Lego apud Gregorium Turo-nensem lib. 7. c. 16. Prætextatum Episcopum Rothomagensem, in exilium pulsum, ei indicta pœnitentia ab Episcopis Gallicanis, à Rege Gumtranno susceptum & conuiuio exceptum, ad suos Rothomagenses sine vlla alia venia rediisse. Sed illud notatione dignum, Regem ipsum excommunicandi vim & facultatem habere, id testatur Ricardus Angliæ Rex, in illo cōtractu inito cum Valtero Rothomagensi Archiepiscopo, ad cuius calcem ita Rex loquitur. *Nos autem, quantum Rex potest, excommunicamus & concedimus quod incurrat indignationem omnipotentis Dei, quicumque contra hoc factum venerit.* Contractus huius exemplar refert Innocentius Tertius P. R. in Epistolis, & eam non dānat formulam. Epistola hæc scripta ad Valterum Rothomagensem Archiepiscopum. Quandoquidem ista generatim est instituta

disputatio, idcirco quod vni Gallorum Christianissimo Regi præ cæteris totius orbis Regibus concessum est, non commemorabo, & ista sunt à permultis explicata. Ex iis itaque quæ à nobis de Augusta Regum dignitate dicta sunt, facillimè apparet, quantum venerationis illa mereatur; meminerintque subditi cum qua par est veneratione, Regem suum colunt, Deum Optimum Maximum, illud ipsum veluti sibi adtributum existimare. B. Chrysostomus oratione de Principatu & Imperio. Qui Principib⁹ & Magistratibus obtemperat, non illis imperantibus se submittit, sed Deo, qui hoc ita constituit, alioquin qui illis obsequi detractat, Deo bellum infert. Vulgaris & trita est illa Tertulliani de ea re sententia libro ad Scapulam. *Colimus Imperatorem sic quomodo & nobis licet & ipsi expedit, hominem à Deo secundum & quicquid est à Deo consecutum, solo Deo minorem.* Non aliter Theophilus Alexandrinus lib. i. ad Autolycum, Honorabo Regem siue Cæsarem, non tamen eum adorabo, verum pro eo orabo, Deum, qui verè Deus est adorabo, sciens Cæsarem ab ipso esse ordinatum. Rex enim siue Cæsar Deus non est, sed meminerit se esse hominem à Deo in hanc dignitatem promotum, non vt adoretur, sed vt iustè pro ratione iustitiæ iudicet. Ea certe Christianis verissima regula proposita est. Quid aliud sibi vult B. Petrus prioris Epistolæ c. 2. Deum time, Re-

gem honorificate, quàm quod post nostram in Deum pietatē, metumque iustissimi malefactorum vindicis & Iudicis, honor qui huic proximè succedat, non alteri quàm Regi sit exhibendus. Locum hunc expressit & paulò fufius explicauit B. Ignatius Epistola 10. quæ est ad Smyrnenfes, vbi scribit Deum honorandum vt omnium auctorem & Dominum; Episcopum verò vt Principem Sacerdotum, imaginem Dei referentem, Dei quidem propter principatum, Christi verò propter Sacerdotium; honorandum etiam Regem, quandoquidem Rege nullus sit præstantior, aut quisquam similis ei in rebus omnibus creatis; Nec inter Magnates quisquam similis existat regi qui in pace & optimis legibus subditos contineat. Regem Dei singulare quoddam inter cætera omnia, opificium esse illud vel maximè declarat, quod illi speciatim angelum ipse adsignet, veluti adiuuam, ad tot tamque varios populos moderandos, auctore Clemente Alexandrino lib. 7. Stromatum, ita vt præter eum, qui nobis omnibus ab ipso ortu à Deo custos datus est, quæ rex est, alium, singulari priuilegio obtineat, vt taceam cuique genti deputatum Angelum, Scripturâ teste, à Rege & Principe gentis illius nunquam abesse. Is primus est erga Regem ac Principem venerationis gradus, nec minoris faciendus est is qui sequitur, quem veluti liberorum erga

parentes esse dicimus. Non enim Rex aut Princeps à suis diligenter debet quàm pater à liberis, ac proinde nec minus coli. Quin, si Seneca credimus, etiam multò magis, quãdoquidem vt ille ait lib. 1. de Clementia c. 4. *Principes & Reges non est mirum amari Vltra priuatas etiam necessitudines.* B. Ambrosius in relatione aduersus Symmachum Præfectum vrbi, commendat Senatum Romanum quod liberis suis præferret Imperatores. Nec alia mens esse potest B. Augustini Epistola 201. *Solam esse charitatem patriæ quæ parentum iure vincat affectum,* quandoquidem patriæ salus cum salute Principis ætissimè coniuncta sit. Quid liberi parentibus debeant non est huius loci disquirere & vulgus nouit, scitè Vlpianus, *filio semper honesta & sancta persona patris videri debet,* D. de obseq. par. & patron. præst. Quis igitur cultus, quis amor, etiam qui minima quaque re violari censeretur. Vultu pietatem erga parentes lædi veteres censuere. Post Suadæ medullam Latij, B. Ambrosius libro 8. *Commentarior. in Lucam c. 18. Ne vultu quidem lædenda pietas est parentum.* Hinc illud viri sanctitate præcipui Paulipi Epistola 40. ad tersum Poetam Ausonium, quem tanquam parentem alterum colebat, *Ipso te lædere vultu, Semper & incauta timui violare figura.* Et Iunius Otho apud Senecam Patrem lib. 7. *Controuersia 3. Reus est parricidij qui mauius mori quàm patrem videre.* Natura ipsa vnicuique

nostrum se vitamque suam tuendi perpetuum ingeneravit. studium, & Apostolo teste ad Ephes. cap. 5. Nemo vnquam carnem suam odio habuit, quod naturæ consentaneum esse tacitè significat; quidni potius de anima, de vita, de communi illo, quo viuimus, spiritu solliciti erimus. At, qui Rex, qui Princeps, nisi totius Regni sui anima, & publicus ille omnium subditorum spiritus, quem ducunt, quem aspirant: Asinius Gallus, apud Tacitum, *Annali primo, de Tiberio loquens, Vnum Reipublicæ corpus vnius anima regendum*, dixit Seneca, lib. 1. de Clementia c. 5. *Princeps animus est Reipublicæ, illa corpus est.* Apertius multò c. 3. *Hac immensa multitudo vnius anima circumdata, illius spiritum regitur, illius ratione flectitur, pressura se ac fractura viribus suis nisi consilio sustineretur.* Et c. 4. *Princeps vinculum est, per quod Respublica coheret, ille spiritus vitalis, quem tot millia trahunt, nihil ipsa per se futura, nisi onus & prada, si mens illa Imperij subtrahatur.* Sic Lucanus lib. 5.

Cum tot in hac anima populorum vita, salusque Pendeat, & tantus caput hoc sibi fecerit orbis.

Apud Curtium libro 9. Toto eo die & nocte quæ secuta est, armatus exercitus Regiâ obse-
dit, confessus omnes vnius (Alexandri) spiritu viuere. Non alia ratione Imperator, *Salus Reipublicæ nominatur & spes totius generis humani, ex cuius vita omnium fata pendent, in cuius conseruatione salus omnium posita sit.* Panegyrico incerti auctoris ad Con-

stantinum Magnum. Insigniter Plinius Panegyrico, quem locum plane æmulatus videtur B. Ambrosius eo quæ initio Cômētarij adduximus, *Vt plena altaribus augusta victimis cuncta: vt in vnus salutem collata omnium vota; cū sibi se ac liberos suos intelligerent precari, quæ pro te precarentur.* Sic, Ennodio Ticinensi, Panegyrico ad Theodericum Regem, *Rex ipse salus status Reipublicæ nominatur.* Hæc citra assentationem dicta esse certum est, nec nisi planè aut furiosus aut secors, aliter dixerit, quandoquidem verissimū illud sit, *in Principe & Rempublicam & Ciues comprehendere*, vt est apud Plinium in Panegyrico. Ista & vera & iucunda acclamatio Præfectorum, Tribunorum & virorum eminentissimorum facta Constantino Magno, *Vestra salus, nostra salus*, Cod. Theodosiani lib. 7. Titul. 20. Quis mortalium lucem hanc non sibi iucundissimam esse putat, at Rex Regni sui lux est, quæ vniuersas Regni prouincias collustrat, 2.^a Regum c. 21. David cū à Philistæo pene occisus fuisset, dixerunt ei qui adstabant, *Iam non egredieris nobiscum in bellum, ne extinguas lucernam Israël.* Eo sensu apud Curtiū lib. 9. Craterus Alexandro intimus, illum *Macedonū Columen ac sydus* appellat. Seneca, de Consolat. ad Polybium, c. 32. loquens de Cæsare; qui tum erat: *Sydus hoc, quod præcipitato in profundum ac demerso in tenebras orbi, refulsit, semper luceat.* Quis igitur ardentior affectus & amor in eū excogitari

potest, quam qui, non tantum propter fortunas
 seruatas, sed propter vitam ipsam, quam ab eodem
 haurimus, exhiberi debet. Sed ut præclare Ma-
 merti⁹ Panegyrico ad Iulianum A. *anxia est fide-
 lium diligentia, maximo amori maximus timor iunctus
 est.* Et certe dum ipsi Principi subditi timent si-
 bi timent. Tam anxium tamque sollicitum er-
 ga Principem subditorum amorem, par cultus
 & veneratio consequitur. Et quoniam amor
 nonnisi voluntarius existere potest, idemque
 liberrimus. *Non enim ut alia subiecta amor im-
 peratur,* aiebat Plinius in Panegyrico, & hoc
 mutuatus à Seneca, lib. de breuitate vitæ, c. 19.
Amare & odisse res omnium liberrime; Vnde Quin-
 tilianus Declamatione 276. *Non potes efficere mihi
 peris ut vel amem quem velis vel oderim.* Quispiam
 de isto erga Principem amore idcirco non pa-
 rum dubitare possit, quandoquidem in eum
 ferantur subditi non secus ac si quadam & ne-
 cessitate impulsus, hoc si se saluos velint, si vitam,
 si liberos, si ipsam denique Rempublicam. At
 quæ necessitatem afferunt nec diuturna sunt,
 nec ex animo profecta. Sed res aliter se habet;
 quæ enim naturæ instinctu & impulsu fiunt,
 quanquam necessariò fiant, attamen ab omni
 coactione aliena sunt, nec ab alicuius alterius
 arbitrio pendent, siue enim vigilandum, siue
 dormiendum, siue cibus capiendus, vel simile
 quidpiam agendum est, pro cuiusque nostrum
 cura & salute id præstandum est, quam qui ne-
 gligit

gligit vel ipsis belluis aut stolidior, aut crudelior habendus. His siquidem studium istud etiam à natura inditum est. Ita subditi, quamquam Principem ament, & vitam propriam & spiritum illum communem, sine quo vivere nequeunt, amare dicantur, non tamen ab ullo vis illa infertur, sed solam Naturam ducem ac Magistram sequuntur. Quanquam, ut supra disseruimus, aliæ sunt huius erga Principem amoris' motiones & impulsus. Fœlicissimi status istud fundamentum est, nec aliunde Clementia Principis, quæ tam clara in eo existit quam vlla alia virtus, proficisci solet, quam ab ipso subditorum amore. At quanti amorem subditorum facere Princeps debeat, discamus Symmacho Præfecto vrbi, lib. I. Epistola 28. ad Ausonium Gallum Aquinatem. *Mollis est animus diligentis, & ad omnem sensum doloris argutus. Si negligentius tractes, cito marcet ut rosa, si durius teneas, linet, ut lilia.* Optime Plinius in Panegyrico. *Nō est vllus affectus tam erectus & liber & dominationis impatiens, nec qui magis vices exigat quàm Amor. Potest fortasse Princeps iniquè, potest tamè odio esse nonnullus, etiamsi ipse non oderit, amari nisi amet non potest.* Hoc illi perdiscendum est amatorium sine medicamento, sine herba, sine vllius veneficæ carmine. Si vis amari ama, quemadmodum ex Hecatone Philosopho refert Seneca Epistola 9.

CAPVT DECIMVM.

Populus obsequens.

QVÆRUNT nonnulli quamobrem, velut ex conditō, Sanctissimorum Apostolorum præcipui B. Petrus & B. Paulus, Christianis tam sedulò, tam diligenter, præcipiant, Regibus & Magistratibus parere: hic Romanorum 13. *Omnis anima potestatibus sublimioribus subdita sit, Et ad Titũ, c. 3. Admone illos Principib⁹ & potestatibus subditos esse. Ille apertissimè, Epistolæ prioris, c. 2. Subiecti estote omni humanae creaturæ propter Deum, sine Regi quasi præcellenti, siue Ducibus tanquā ab eo missis, ad vindictam malefactorum, laudem verò bonorum. Quia sic est voluntas Dei, vt benefacientes obmutescere faciatis imprudentium hominum ignorantiam. Quæ postrema verba nobis rerum Syriæ statum, qui tum erat, ob oculos ponunt. Siquidem eo tempore Iudas quidam Galilæus in Palæstina ab Imperio Romano defectionem molitus erat, eo quidem prætextu, quod soli Deo non hominibus serviendum esset, & quævis potius tormenta subeunda quàm ullus sit appellandus Dominus. De qua re Iosephus lib. 18. Antiq. c. 1. & 2. Diuini ergo Apostoli, Iudæos potissimum, ac deinde cæteros ab ista nefaria & seditiosa sententia quàm longissimè abducere*

conantur; Et ne quis fidelium, quos liberos & filios non modò Christus, sed & ipsi Apostoli appellabant, idcirco sibi persuaderet, Christianæ religionis id esse proprium, quodcumque iugum alienæ servitutis excutere. Libertas illa Christiana, spiritualis est, *nam qui facit peccatum servus est peccati*, Ioan. c. 8. simul & dæmonis illicitis, impellentis, permouentis mancipium. Illud indicat B. Petrus, loco citato, subiungens. *Quasi liberi & non quasi velamen habentes malitiæ libertatem, sed sicut servi Dei*: Permulti veterum & recentiorum in iis locis explicandis desudarunt, nec pro instituti ratione in illis magis immorandum esse existimamus. Hæc enim in notis, quas meditamur in Epistolas Apostolicas fusiùs explicari poterunt. Attamē locum elegātē de ea re Marci Eremitæ pretermittere nō possum. Is libro de Baptismo, scribit in Epistolis Apostolicis, novitatem, lucem & libertatem pro eodem vsurpari, nimirum pro statu & lege gratiæ, cuius opera peccatum omne & peccati servitus rescindatur. Sed ne quis fallatur, illud vel maximē observandum, multa in Apostolicis scriptis contineri, quæ non solùm ad præsentem illius ævi, quo viuerent, statum spectabant, sed etiam futuris atque adeo postremis huius sæculi, quo mundus duraturus est, temporibus, suum essent sortitura effectum. Divinæ providentiæ certissimum argumentum illud est. Nam nostro ævo, qui ab Ecclesia Ro-

mana, cæterorum omnium parente optima, superiorum ætatum quotquot ab Apostolis effluerunt consensu, secessionem singulari impietate fecerunt, vel stylum in Reges, in Principes, in Magistratus strinxerunt, vel ausu nefario, illos apertis armis oppugnarunt. Huic furori Deus eiusmodi doctrina Apostolica prouidit, & vereor ne dum pietatem religionẽq. tamquam velum obtendunt, reducto velo, flagitiosissimam & effrenem maximè, sine lege, sine Rege, viuendi quæsitam licentiam deprehendamus, aut vt verius loquar, status Monarchici capitales hostes, quod experiẽtia docuit, & in arcanis habetur, intelligamus. Ac ne aliqui me præuaricatorem existiment, quandoquidem Apostolus Petrus vult nos Regi & Magistratui obtemperare non nisi adhibita cautione, *Propter Deum*; fateor illud additum, sed eius interpretationem paucis aperiam, nam ab aliis longior ista disputatio petenda est. B. Paulus Epistolæ ad Titum c. 3. exponit, Principibus fideles Christianos subditos esse debere, dicto obedire, *ad omne opus bonum*. Eodem pacto Constitutionum Apostolicar. lib. 4. c. 13. Estote subiecti omni Regi & Potestati in iis quæ Deo placent, tamquam ministris Dei & impiorum vltoribus, exhibendo eis omnem timorem debitum, omne vestigal, omne tributũ, omnem honorem, munus, censum, hæc enim est Dei lex. Tertullianus in Scorpiaco. *Solus autẽ*

Dei homo, condixerat (scilicet Petrus) *Regem* quidem honorandum, ut tamen tunc Rex honoretur cum suis rebus insistit, cum à Divinis honoribus longè est, pater & mater diliguntur, cum Deo non comparantur. Tertullianus idem, lib. de Idololatria. Quod attinet ad honores Regum & Imperatorum satis præscriptum habemus, in omni obsequio esse nos oportere, secundum Apostoli præceptum, subditos Magistratibus & Principibus & Potestatibus; sed intra limites disciplinae, quousque ab Idololatria separamur. Non alia mente B. Ignatius, Epistola ad Antiochenos, Cæsari subiecti estote in iis in quibus subiici nullum animæ periculum est. Episcopi Gallicani, Concilij Parisiensis, sub Ludouico Pio, lib. 2. c. 8. Sicut subiecti, à Rege sibi volunt piè & iuste opitulari, ita specialiter ei primum ad salutem animæ suæ procurandam, deinde generaliter ad honestatē & utilitatem Regni, secundum Dei voluntatem disponendum atque ministrandum indissimulanter atque irretractabiliter solatium opportunum debent exhibere. Sed si aberrauerit Princeps, Deum Iudicem habet. Optatus lib. 3. Cum super Imperatorem non sit nisi solus Deus, qui fecit Imperatorem. Synodo Regiaticina, sub Lothario Imperatore & Ludouico R. c. 16. Principes minime nunc iudicantur, sed in futuro Iudicio, à Deo. M. Antoninus Philosophus, Imperator, omnium ut sapientissimus ita moderatissimus, Principis solum Deum Iudicem esse posse pronunciat apud Xiphilinum in Antonino. Et cuius culpa est, si quid Princeps in

publicam vtilitatem & suorum salutem, imo si quid in pietatem peccet, Populi certe: Dei proloquium est, Dabo vobis Regē in furore meo, Osee c. 13. Rem hanc duplici exemplo illustrat Anastasius Nicanus libro quæst. in. S. Script. q. 15. tum Phocæ Imperatoris sæuissimi, tum Episcopi cuiusdam, flagitiosissimi hypocritæ, quos propter populi mores deprauatos adeo & pestilētes se se elegisse Deus sanctis quibusdam viris significauit. Isidorus Hispalensis, lib. 3. sententiarum, c. 48. *Reges quando boni sunt muneris est Dei, quando verò mali, sceleris est populi. Secundum enim meritum plebium disponitur vita Regum, testante Iob. c. 34. Qui regnare facit hypocritā propter peccata populi. Irascente enim Deo talem regetorem populi suscipiunt, qualem pro peccato merentur. Nonnumquam pro malitia plebium etiam Reges mutantur, & qui ante videbantur esse boni, accepto regno fiunt iniqui.* Paulo antea, explicat illud Apostoli, Non est potestas nisi à Deo. Et tamen Propheeta Oseas c. 13. sentire aliter videtur, dum de quibusdam Potestatibus dixit, *Ipsi regnauerūt sed non ex me, quasi diceret, Non me propitio, sed etiam summè irato. Quo manifestius elucet bonam malamque Potestatem à Deo ordinari, sed bonam propitio, malam irato.* De vxore illud idem olim vsurpatum, Nam vt scribitur Prouerb. 19. à Domino vxor sapiens datur, Menander verò, à Deo irato vxorē malā tradi censet. Ioannes Carnotensis Episcopus, Policratici lib. 4. c. 1. ornatè vt solet.

*Non enim potentis est cum vult scire in subditos, sed
Diuina dispensationis, pro beneplacito suo punire vel
exercere subiectos. Quinetiam si Princeps paulo
asperius & inclementius suostrahet, scriptores
prophani in subditos crimen refundunt. Cur-
tius lib. 8. Alexandrum sic loquentem inducit,
Regum Ducumque clementia non in ipsorum modo, sed
etiam, in illorum qui parent ingeniis, sita est. Obsequio
mitigantur Imperia, Vbi vero reuerentia excessit ani-
mis, & summa imis confundimus, Vi opus est vt vim
repellamus. Hinc fit vt Principum non pauci ob
improbitatem Ciuium, acerbius quam vellent,
imperare coacti fuerint. Filius in popinis, in ga-
neis, in lustris totos dies agit, in illum pater ani-
maduertit, hoc commeruit filij nequitia. Pu-
pillus malo contubernio deterior in dies fit,
pupillum tutor idcirco parcè contentè que ha-
bebit. Licetne idcirco filio, vim patri, pupillo
vim tutori inferre, mera hæc insania est, ac qui-
busuis artibus expugnanda. Et si qui ausus fue-
rit parenti, tutori, manus afferre iam non vno
scelere, quin potius innumeris se se antea ob-
strinxisse facile credo, Illa omnium eius gene-
ris sententia verissima est, Triarij apud Senecā
patrem, Controuersia 5. lib. 7. Potest tyrocinium
esse homicidium, parricidium non potest. Sed nonnū-
quam, vt est imperitum vulgus, ita si quid pra-
ue, & contra fas & æquum à Regiis ministris
admissum fuit, in Principem, harum rerum sæ-
pius ignarum, culpam confert. Vbi quidpiam*

de Regia liberalitate decerptum, Regi vitio vertit. Dione & Xiphilino auctoribus, solebat Tiberius si quid aut pecuniæ aut aliarum rerum donasset, coram numeraria aut repræsentari præcipere. At Reges multa persæpe operis oculis donant, aiebat ille; fisco præfectum profusionibus modum adhibere æquum est. Sed quis ærario Regio iustè administrando præficiendus sit, indicat Mamertinus, Panegyco ad Iulianum Augustū, qui sit *vir animi magni aduersus pecuniam, liberi, aduersus offensas, constantis aduersus inuidiam*. Apud Dionem lib. 56. historiæ Roman. verè Tiberius, oratione habita in funere Augusti. Boni Principis virtus non ex aliorum flagitiis, sed ex ipsorum factis iudicari debet. Et nonnulla Princeps cogitur nonnumquam agere inuitus. Denique Aristidis, in Panathenaicis, illa sententia populis inculcanda, Imperiorum iura esse eiusmodi, vt ea non ex damno priuatorum quorundam & inferiorū, sed ex publica vtilitate, Imperiique vi ac necessitate metiamur. Quemadmodum summū huius mundi gubernatorem ex maximis illius beneficiis erga nos, non ex fulminibus, terræ motibus, hiatibus atque tempestatibus consideramus, victoriamque ex libertate & securitate non ex cruore & exactionibus & proscriptionibus, quibus ad eam peruenitur, metiri solemus. Sic apud Tacitum, Cærealis, lib. 4. historiæ. *Quomodo sterilitatem, aut nimios imbres &*

cetera natura mala, ita luxum vel auaritiam dominantium tolerate. Vitia erunt donec homines, sed neque hæc continua & meliorum interuentu pensantur. Et ritè cōclusum à Claudio Cæsare, alioquin beato, *ferenda Regum ingenia neque vsui crebrae mutationes,* lib. 12. Annal. Taciti. Religionis Christianæ hoc semper, iure optimo, adtributum legimus, vt longè mitiores, humaniores, & mansuetiores homines efficiat, & illam humanissimam esse scripsit Synesius, in elogio Anyssij. Hinc fit vt Ecclesia, in qua omnis pietas & religio velut Sacrum aliquod depositum conseruatur, ad omnem misericordiam cōparata dicatur. Nec vlla vnquam Ecclesiæ Catholicæ Christianæ maior illata cōtumelia à Donatistis hæreticis, quàm cum *Macariana*, id est crudelissima vocitata est. Res ita se habet, ex Optato. lib. 3. aduersus Parmenianum. Constans Imperator, Constantini Magni filius, in Africam duos ex suis, Paulum & Macarium miserat, vnà cum ingenti copia elemosynarum, quæ in ornamentum Ecclesiarum & pauperum Christianorum emolumentum vsuque cederent. Donatus Bagaiensis Episcopus, Donatista, audiens hæc per Africæ vrbes distribuenda, insanam Donatistarum multitudinem collegit, Macarius ne ab illa violentiam pateretur, ad se & ea quæ ferebat tutanda, armati militis postulauit auxilium à Proconsule vel Vicario Africæ, aut persimili magistratu. Comprehensi

nonnulli Donatistarū, qui tumultuabantur, & cæsi nōnulli, qui fortiores fuerant capti, longēque relegati sunt. Horum omnium nihil actum est Christianorum Catholicorum voto, nihil cū consilio, nihil cum conscientia, nihil cum opere. Sāctissimus Augustinus nihil tam agrē ferre videtur quā Ecclesiam Catholicā appellari *Macarianam* à Donatistis, quod variis Epistolis repetit. Vnde Epistola 203. ad Maximinū Donatistam, cogitur non sine stomacho illud respondere. *Nec tu obiicias tempora Macariana, nec ego scuitiam Circumcellionum, si hoc ad te non pertinet, nec illud ad me.* Ecclesiæ humanitatem & benignitatem nulli magis profiteri aut debēt aut possunt quā ipsi Pastores, Rectores & totius Christiani populi Duces, quos elegantissimē Leo Imperator Nouella 86. *Animata immaculati Sacrarj ornamenta* vocat; Illis ea virtus peculiaris est. Ita Cod. de Episcop. & Cler. l. 10. *Episcopo, sanctitas, ignoscendi gloriam dereliquit.* Et Ennodius Ticinensis, in Panegyrico, non aliter suum Theodericum Regem cōmendat, quā quod *exhiberet robore, vigilantia, prosperitate Principem, mansuetudine sacerdotem.* Huc spectat quod grauissimē ab Isidoro Pelusiota, lib. 3. Epistola 260. pronunciatum. Sacerdotes ministri sunt non participes, deprecatores non Iudices, mediatores non Reges. Nestarius B. Augustino in hunc sensum scripsit, Episcopum fas non est nisi salutem hominibus impertire, & pro statu

meliore, causis adesse, & apud Omnipotentem Deū veniā aliorū mereri delictis. Respōdet B. Augustinus Epistola sequenti quæ est 202. *Hæc omnino seruare conamur, vt seueriore censura nemo plectatur; neque à nobis, neque ab alio vlllo, intercedentibus nobis & salutem hominibus cupimus impertire, quæ posita est in recta viuendi felicitate, non in malefaciendi securitate.* Apud Plinium historiæ naturalis lib. 15. c. 30. laurus triumphis propriè dicata dicitur, vel gratissima domibus, Ianitrix Cæsarium Pōtificumque, quæ sola & domos exornat, & ante limina excubat. Sed vt prodit Dio lib. 53. histor. Romanæ & Valerius lib. 2. c. de Iure triumphandi; Augusto concessum, vt lauro ante eius domum plantatæ corona quercina alligaretur, quæ quidem non nisi ob *Ciues seruatos* tribui solebat, sic nostris Pontificibus, laurea illa corona, ob profligatos Ecclesiæ hostes, nuda concedi non debet, quin & illi innestenda querna corona, ob seruatos Hierusalem terræ Ciues, imo & filios, inter quos primum locum obtinent Reges ac Principes. Quæ ratio, Principi Christiano, potissimum & sæpius mētere uoluenda & repetenda est, vt qui Ecclesiæ, matris & parentis optimæ, perpetuam benignitatem & humanitatem experiri desiderat, illi vicissim omne obsequium, cultumque exhibeat. Quod si veterum nonnulli, non sine ratione, dixerunt matri prius ac potius quàm Patri succurrēdum. Theophrastus in Characteri-


bus Ethicis, hominis desperati notam adsignat
Matrem non alere : Et apud Xenophontem¹, de
 dictis & fact. Socrat. Si quis filius veniam à Diis
 postulet, ea prima sit, quod matrem neglexerit,
 Cui affine est illud quod scribit Phalaris Epi-
 stola 19. ad Paurolam filium, eum exhortatus
 ut primam ac præcipuam matris curam habeat,
 & quæ illi præstentur humanitatis officia, etiã
 ad patrem aliqua ratione pertinere. Putet Prin-
 cept Christianus ista de Ecclesia matre aman-
 tissima à B. Ambrosio sibi dicta esse, Commē-
 tatorum in Lucam lib. 8. c. 18. *Pasce matrem tuam*
& si pauperis matrem, adhuc non reddidisti dolores, non
reddidisti cruciatus quos pro te passa est, non reddidisti
obsequia quibus te illa gestavit, non reddidisti alimen-
ta quæ tribuit tenero pietatis affectu, immulgens labris
tuis vbera, non reddidisti famem, quam pro te illa tole-
ravit, ne quid, quod tibi noxium esset, ederet, ne quid,
quod lacti noceret, haurires. Illi debes quod habes, cui de-
bes quod es. Aptissimè; Ecclesia siquidem Chri-
 sto, Principem ut & quemvis alium Christia-
 num, genuit. Verum non satis esse arbitretur
 Princeps, si Ecclesiæ matri suauissimæ omne
 pietatis officium impendat, nouerit etiam le-
 gem prospexisse, ne parentes patiantur iniuriã.
 Meminerit Princeps, Diuinæ istius sententiæ,
 Ecclesiastici c. 3. *Maledictus est à Deo qui exasperat*
matrem, & maledictio matris, eradicat fundamenta, si-
ue funditus immorigerum filium euertit.

FINIS.


Apl 1453052












nonnulli Donatistarū, qui tumultuabantur, & cæsi nōnulli, qui fortiores fuerant capti, longēque relegati sunt. Horum omnium nihil actum est Christianorum Catholicorum voto, nihil cū consilio, nihil cum conscientia, nihil cum opere. Sāctissimus Augustinus nihil tam agrē ferre videtur quā Ecclesiam Catholicā appellari *Macarianam* à Donatistis, quod variis Epistolis repetit. Vnde Epistola 203. ad Maximinū Donatistam, cogitur non sine stomacho illud respondere. *Nec tu obiicias tempora Macariana, nec ego sauitiam Circumcellionum, si hoc ad te non pertinet, nec illud ad me.* Ecclesiæ humanitatem & benignitatem nulli magis profiteri aut debēt aut possunt quā ipsi Pastores, Rectores & totius Christiani populi Duces, quos elegantissimē Leo Imperator Nouella 86. *Animata immaculati Sacrarij ornamenta* vocat; Illis ea virtus peculiaris est. Ita Cod. de Episcop. & Cler. l. 10. *Episcopo, sanctitas, ignoscendi gloriam dereliquit.* Et Ennodius Ticinensis, in Panegyrico, non aliter suum Theodericum Regem cōmendat, quā quod *exhiberet robore, vigilantia, prosperitate Principem, mansuetudine sacerdotem.* Huc spectat quod grauissimē ab Isidoro Pelusiota, lib. 3. Epistola 260. pronunciatum. Sacerdotes ministri sunt non participes, deprecatores non Iudices, mediatores non Reges. Nestarius B. Augustino in hunc sensum scripsit, Episcopum fas non est nisi salutem hominibus impertire, & pro statu

meliore, causis adesse, & apud Omnipotentem Deū veniā aliorū mereri delictis. Respōdet B. Augustinus Epistola sequenti quæ est 202. *Hæc omnino seruare conamur, vt seueriore censura nemo plectatur; neque à nobis, neque ab alio vlllo, intercedentibus nobis & salutem hominibus cupimus impetire, quæ posita est in recta viuendi felicitate, non in malefaciendi securitate.* Apud Plinium historiæ naturalis lib. 15. c. 30. laurus triumphis propriè dicata dicitur, vel gratissima domibus, Ianitrix Cæsarium Pōtificumque, quæ sola & domos exornat, & ante limina excubat. Sed vt prodit Dio lib. 53. histor. Romanæ & Valerius lib. 2. c. de Iure triumphandi; Augusto concessum, vt lauro ante eius domum plantatæ corona quercina alligaretur, quæ quidem non nisi ob *Ciues seruatos* tribui solebat, sic nostris Pontificibus, laurea illa corona, ob profligatos Ecclesiæ hostes, nuda concedi non debet, quin & illi innectenda querna corona, ob seruatos Hierusalem terrænæ Ciues, imo & filios, inter quos primum locum obtinent Reges ac Principes. Quæ ratio, Principi Christiano, potissimum & sæpius mente reuoluenda & repetenda est, vt qui Ecclesiæ, matris & parentis optimæ, perpetuam benignitatem & humanitatem experiri desiderat, illi vicissim omne obsequium, cultumque exhibeat. Quod si veterum nonnulli, non sine ratione, dixerunt matri prius ac potius quàm Patri succurrēdum. Theophrastus in Characteri-


bus Ethicis, hominis desperati notam adsignat *Matrem non alere*: Et apud Xenophontem, de dictis & factis. Socrat. Si quis filius veniam à Diis postulet, ea prima sit, quod matrem neglexerit, Cui affine est illud quod scribit Phalaris Epistola 19. ad Paurolam filium, eum exhortatus ut primam ac præcipuam matris curam habeat, & quæ illi præstentur humanitatis officia, etiã ad patrem aliqua ratione pertinere. Putet Princeps Christianus ista de Ecclesia matre amantissima à B. Ambrosio sibi dicta esse, *Commentariorum in Lucam lib. 8. c. 18. Pascere matrem tuam & si pauperis matrem, adhuc non reddidisti dolores, non reddidisti cruciatus quos pro te passa est, non reddidisti obsequia quibus te illa gestauit, non reddidisti alimenta quæ tribuit tenero pietatis affectu, immulgens labris tuis vbera, non reddidisti famem, quam pro te illa tolerauit, ne quid, quod tibi noxium esset, ederet, ne quid, quod lacti noceret, haurires. Illi debes quod habes, cui debes quod es.* Aptissimè; Ecclesia siquidem Christo, Principem ut & quemvis alium Christianum, genuit. Verùm non satis esse arbitretur Princeps, si Ecclesiæ matri suauissimæ omne pietatis officium impendat, nouerit etiam legem prospexisse, ne parentes patiantur iniuriã. Meminerit Princeps, Diuinæ istius sententiæ, Ecclesiastici c. 3. *Maledictus est à Deo qui exasperat matrem, & maledictio matris, eradicat fundamenta, siue funditus immorigerum filium euertit.*

FINIS.

Apl 1453052







110th

